

四庫全書

集部

欽定四庫全書

山谷外集詩注卷十

宋 黃庭堅 撰

史 容 注

出迎使客質明放船自尾窰歸

鼓吹喧江雨不開丹楓落葉放船回

謝靈運詩晚霜楓葉丹杜詩送客蒼

溪縣山寒雨不開直愁騎馬滑故作汎舟回

風行水上如雲過

易渙卦風地行水上渙地

近嶺南無鴈來

衡陽有回鴈峯詳見前注

樓閣人家捲簾幕

杜牧之詩深秋

簾幕千家雨落

日樓臺一笛風
菰蒲鷗鳥樂灣洄
惜無陶謝揮斤手

杜詩

焉得思如陶謝手
令渠述作與同遊
揮斤見前注

詩句縱橫付酒杯

次韻和答孔毅甫

毅甫嘗為吉倅

鵬飛鷗化未即逍遙游

見莊子第一篇

龍章鳳姿終作廣陵散

嵇康傳人以為龍章鳳姿
康將刑東市顧視日影索琴
彈之曰昔袁孝尼嘗從吾學
廣陵散吾每靳固之廣陵
散于今絕矣初康遊洛西宿
華陽亭引琴而彈夜分忽有
客至與康談音律因索琴彈
之而為廣陵散聲調絕倫遂
以授康仍誓不傳人韓臯生
音知律聞鼓琴至止息嘆曰
美哉嵇康之為是曲其當晉
魏之際乎其音主商晉金運
商又金聲此所以知魏方季
而晉方代也王陵母邱儉諸
葛誕繼為楊州都督咸謀興
復為司馬氏

所赦康以揚州故廣陵地凌等皆魏大臣故名其曲曰
廣陵散言魏散亡而廣陵始止息者晉雖暴興終止息

于此見白氏六帖
知音門併附于此

湓浦鑪邊督數錢

平仲字毅甫元祐
入館時監江州錢

監按潯陽志廣寧監歲鑄錢二十萬東坡帖云數日前
孔毅甫見過此人錢監得替欲入京注擬中路思家而

還後漢志童謠曰
河間姹女工數錢

故人陸沉心可見

陸沉見
前注

氣與神兵

上斗牛

神兵劍氣衝斗
牛並見前注

詩如晴雪濯江漢

孟子江漢
以濯之

把

詠公詩闔且開

王荆公寄王達原披衣起生愁不愜歸
坐把卷闔且開樂天和微之高齋青登

明滅照不寐但
把君詩闔且開

旁無知音面牆歎

書不學牆面後漢
鄧后傳面牆學術

我

今廢書迷簿領

樂毅傳未嘗
不廢書而泣

魚蠹筆鋒蛛網硯

選詩五
車摧筆

鋒六年國子無寸功退之詩三年國子師賜肚習猶得

江南萬家縣客來欲語誰與同令人熟寐觸屏風三國管輅

傳嘗聞人曰吾與劉穎川兄弟語使人神思清發自此之外殆白日欲寢矣漢陳萬年傳子咸有異材萬年嘗

病召咸教戒于牀下語病召咸教戒于牀下語竊食仰愧冥冥鴻揚子云鴻飛冥冥弋人何

慕少年所期如夢中江頭酒賤樽屢空孔融傳樽南山中酒不空

有田歲不逢漢楊惲傳其詩曰田彼南山無穢不治種一頃豆落而為箕人生行樂耳須富貴何

時相思夜半涕無從檀弓上吾惡夫涕之無從也千金公亦費屠龍

屠龍見前注韓詩屠龍破千金為藝亦云亢

再用舊韻寄孔毅甫

鑒中之髮蒲柳望秋衰

晉書顧悅之與簡文同年而髮早白帝問之曰松柏之姿經霜

猶茂蒲柳常質望秋先零歐陽公乞致仕表羣才方茂蒲柳未秋而早衰

眼中之人風雨俱

星散

陸士衡詩感念桑梓域髮鬢眼中人李白大堤曲不見眼中人顧四向望眼中無故人李白大堤曲不見眼中人

杜詩青眼高歌望吾子眼中之人吾老矣言熙豐間諸人皆斥逐三國志姜維傳星散流離杜詩別離同雨散

行止若雲浮又草閣柴扉星散居白樂天詩同出復同歸從朝復至暮風雨或消散江山渺迴互劉禹錫詩故

人雲雨散滿目山川多

往者託體同青山

陶明明挽歌死去何所道託體同山阿健

者漂零不相見庾公樓上有詩人

樓在江州

平生落筆瀉河

漢

莊子逍遙遊篇其言猶河漢而無極也韓文公上于頔書文章變化若雷霆浩汗若河漢置驛勤

來索我詩自說中郎識元歎

吳志顧雍傳雍字元歎吳郡吳人蔡伯喈避怨于吳

雍從學琴書江表傳云伯喈謂曰今以吾名與卿故雍與伯階同名吳錄曰雍字元歎言為蔡雍所歎也我

方凍坐酒官曹公然薪炙為冰硯

西京雜記以酒為書滴以玉為硯皆取其

冰不解窮愁著一書

史記虞卿傳不重萬戶侯卿相之印與魏齊間行卒去趙困于梁不

得意乃著書世傳之曰虞氏春秋太史公曰

豈有文章

名九縣

漢光武贊九縣

星結柳送文窮

退之送窮文云主使人奴星結柳作

車

退倚北窗睡松風太阿耿耿截歸鴻

張華傳雷煥掘豐城獄得一石

函中有雙劍一曰龍泉一曰太阿退之詩利劍光耿耿

夜思龍泉號匣中斗柄垂

天霜雨空獨鴈叫羣雲萬里

退之詩一叫羣鴈杜詩孤雁不飲啄飛鳴聲念羣

誰憐一片影相失萬重雲

何時握手香爐峯

香爐峯潁江州

不看寒泉濯卧

龍

諸葛孔明號卧龍

二月二日曉夢會于廬陵西齋作寄陳適用

適用名汝

器時知

廬陵縣

燕寢著爐香

韋蘇州詩燕寢凝清香

惓惓閉窗闥

左傳新招之惓惓注云安和貌

夢到郡城東笑談西齋月行樂未渠央

詩庭燎夜未央注夜未渠央渠

音速

苦遭晴鳩聒

杜詩苦遭此物聒孰謂吾廬幽

江郡梅李白士女嬉城

闕

鄭國風在城闕兮

聞道潘河陽滿城花秀發

潘岳為河陽令樹桃李花人號

曰河陽一縣花廬結集中有春賦云河陽一縣併是花金谷從來滿園樹文選蜀都賦君平王褒煜煜而秀發

頗留載酒車

揚雄傳時有好事者載酒肴從遊學

共醉生塵襪

文選洛神賦凌波微

步羅襪生塵李白詩香塵動羅襪綠水不沾衣

想見舞餘姿風枝斜蔓髮

詩都人

云彼君子女卷髮如蠶

鄙夫不舉酒春事亦可悅

老杜詩自知白髮非春事且盡

芳樽對物華又北征詩幽事亦可悅

雨足肥茵芝沙暄饒筍蕨海牛壓風

簾

海牛犀也前集有詩云海牛壓簾風不開蓋用張君房胜說蕭學士夢中賦晚寒歌云海牛壓簾風不入

前注偶
不及此

野飯薰僧鉢

維摩經以滿鉢香飯普薰毗耶城

飽食愧公家曾

無助毫末勸鹽惟新令王欲惇獨活

尚書無虐惇獨

此邦淡食

儻

賈誼傳國制搶攘注搶音倉吳人罵楚人曰倉倉攘亂貌也音仕庚切晉周處傳處子圯將卒謂子勰曰

殺我者諸儻子能復之乃吾子也吳人謂中州人曰儻故云爾南史宋孝武狎侮羣臣各有稱自柳元景垣護之並北人而王玄謨獨受老儻之日南史杜坦曰臣本中華高族直以南渡不早便以儻荒見隔世說雅量門云昨有一儻父來寄亭中注云晉陽秋曰吳人以中州人為儻柳子厚詩我今誤落千萬山身同儻人不思還以上所說不同故具列之山谷豫章人也而詆吉州人為儻蓋取儻荒之義無分于南北也勸益已見賦益詩蓋官益不售而抑配

儉陋深次骨

漢杜周傳內深次骨

公困積丘

山賈豎但主撮

漢律歷志量多少者不失主撮注四主曰最三指撮之也又曰六十四黍為主

撮倉括反縣官思乳哺

縣官出霍光傳南史梁宗室始興王懋傳行荊州事人歌曰始興王人之

爹赴人急如水火何時復來哺乳我荆土方言謂父為爹徒我反

下吏用鞭撻正恐利

一源

陰符經云絕利一源用師十倍

未塞兇三窟

戰國策馮煖為孟嘗君收債于薛燒券而

還孟嘗君不悅後就國于薛老幼迎于道孟嘗君乃喜馮煖曰狡兔三窟免其死耳今君有一未得高枕而卧

請復鑿二窟云云謂孟嘗君曰三窟已成請君高枕矣晉王衍傳以弟澄為荊州族弟敦為青州因謂曰荊州

有江漢之固青州有輔海之險卿二人在外而吾留此足為三窟矣蓋舉馮煖語也

寄聲賢令尹

何道補黥剔

莊子大宗師篇息我黥而補我剝

從來無研桑

班固賓戲研桑心計

于無垠注云史記勾踐用范蠡計然研計然之名也漢書桑宏羊以心計為待中顧影愧簪笏

退之詩峨峨進賢冠耿耿水蒼佩服章豈不何顏課殿

上解綬行采葛漢兒寬傳寬遷左內史以負租課殿當免民聞當免皆恐失之大家牛車小家

擔負輪租綬屬課更以最上王國風采葛懼讒也

長句謝陳適用惠送吳南雄所贈紙

廬陵政事無全牛

吉州治廬陵縣適用與山谷同時作邑莊子庖丁未嘗見全牛見前注杜

詩妙割恐是漢時陳太邱後漢陳寔傳除太邱長書記無全牛修德清淨百姓以安

姓名不肯學項籍傳少時學書不成去籍曰書足記姓名而已得紙無

異夏得裘琢詩包紙送贈我自狀明月非暗投

見前詩注

句縱橫剪宮錦惜無阿買書銀鈎

退之詩阿買不識字願知書八分詩成彼

之瀉亦足張吾

軍銀鈎見前注蠻溪切藤卷盈百側理羞滑璽羞白

拾遺

記南越獻側理紙南人以海苔為之其理縱橫斜側因以為名蘇易簡紙譜云張華造博物志成晉武帝賜側

理紙萬番南越所貢也本草陟釐陶隱居云此即南人所用作紙者唐本注云此物乃水中苔今取為紙音陟

釐陟釐與側黎相近側黎又與側理相近也又云即石髮也璽書見前注想當鳴杵砧面平

枕椰葉風溪水碧

枕椰木廣南所出此紙吳南雄所贈南雄州隸廣南東路千里鵝

毛意不輕

復齊漫錄云諺曰是人眼裏有西施又曰千里寄鵝毛物輕人意重皆鄙語也山谷取以

為詩答公益春思云西施逐人眼稱心最
為得謝陳適用惠紙云千里鵝毛意不輕
瘴衣腥膩北

歸客君侯謙虛不自供胡不贈世文章伯

老杜詩同心不減骨肉親

每語見許文章伯

一涔之水容牛蹄

淮南子曰牛蹄之涔無尺之鯉退之題炭谷湫祠堂

吁無吹毛劍血此牛蹄殷殷血深也

識字有數我自知

楊文公談苑云晉開運中詔今兩制

各作詩賦一篇付禮部為考試之式獨學士李惲不肯曰李惲識字有數因人成事使令衣白袍入貢部下第

必矣胡能作文章為世模楷時論美之

小時雙鉤學楷法

山谷論學字云先當雙鉤用兩

指相疊威筆壓無名指高捉筆今腕隨已左右然後觀人字格則不患其難矣

至今小兒憎家

雞

而史王僧虔傳論書云征西庾翼書少時與右軍齊名右軍後進庾猶不分在荊州與都下人書云小兒

輩賤家難皆學達少書柳子厚詩聞
道近來諸子弟臨池尋己厥家雞
雖然嘉惠敢虛辱

賈誼賦恭
承嘉惠兮
黃泥續尾成大軸
後漢鄧訓傳注云東觀記
曰訓故吏最貧羸者念訓

常所服藥北州所乏又知訓好青泥封書從黎陽步推
鹿車于洛陽市樂還過趙國易陽并載青泥一襪至上

谷遺訓其得
人心如此
寫心與君心莫傳
詩既見君子
我心寫兮
平生落魄

不問天
廊食其傳家貧落魄魄魄音
薄杜詩自斷此生休問天
樽前花底幸好戲
杜詩

退朝花
底散
為君絕筆謝風煙
杜詩揮毫落
已無商頌猗那

手
商頌猗那為首其
詞曰猗與那與
請續南華內外篇
莊子號南華真
經內篇七外篇

三十
李太白大鵬賦南
華老仙發天機于漆園

寄陳適用

日月如驚鴻歸燕不及社

杜詩日月不相饒節序昨夜隔社牧之歸燕詩畫堂歌舞

喧喧地社去

清明氣妍暖疊疊向朱夏

楚辭時疊疊而過中兮晷淹留

而無成杜詩人

輕衣頗宜人

杜詩宜人獨桂林又云疎快頗宜人

裘褐就

梳架

曲禮男女不同梳架

已非紅紫時

韓詩黃黃光著花紅紫事已退

春事歸桑

柘空餘車馬跡顛倒桃李下新晴百鳥語各自有匹亞

選詩春鳥翻南飛翩翩獨翔翔悲聲命傳匹哀鳴傷我腸

林中僕姑歸苦遭拙婦罵

見前

氣候使之然光陰促晨夜解甲號清風即有幽蟲

化言蟬也退之聯句化蟲枯揭莖

朱墨本非工

後周書蘇綽傳始制文案程式朱出墨入王

事少閒暇幸蒙餘波及

左傳重耳云其波及晉國者君之餘也

治郡得黃

霸

黃霸傳及為相功名損于治郡時

邑鄰陳太邱

後漢陳寔為太邱長

威德可資

借決事不遲疑敏手擘太華

西京賦綴以二華巨靈鼎肩高掌遠蹠以流河曲厥

跡猶存善曰古語云此本一山當河水過之而曲行河之神以手擘開其上足踞離其下中分為二以通河流手足之迹今尚在也頗復集紅衣呼噉飲休假

退之詩兩府變炎涼三年就休假

歌梁韻金石

歌梁用韓娥能使逶迤之聲環梁而疑塵奮飛二日不止事謝靈運詩急絃動幽聽

清歌拂梁塵謝朓詩舞館識餘基歌聲想遺囑李白詩醉舞紛綺席清歌繞飛梁曾子曳屣而歌商頌聲滿天

地若出金石

舞地委蘭麝寄我五字詩句法窺鮑謝

明遠亦靈運

歎簿領勞行欲問田舍

求田問舍見前注

相期黃公壚

黃公壚見前注

不異秦人炙

孟子告子篇耆秦人之炙無以異於耆吾炙

我初無廊廟

王羲之傳

吾素無廊廟

身願執耕稼今將荷鋤歸區宇畦甘蔗

文選蜀都賦瓜

疇芋區甘蔗辛薑

觀君氣如虹

禮記聘義君子於玉比德焉氣如白虹天也江淹謂郭鞏曰子

之咳唾成珠玉吐氣作虹蜺

千輩可陵跨自當出懷璧往取連城價

趙得和氏璧秦願以十五城易之閭相如使從者衣赭懷璧歸趙詳見相如傳

賜地買歌僮珠

翠羅廣廈

杜詩安得廣廈千萬間

富貴不相忘寄聲相慰籍

荀富貴無

相忘見陳勝傳界上亭長寄聲謝我見趙廣漢傳所以
慰薦走卒師古曰薦者舉藉也見胡建傳所以慰藉之
良厚見後漢隗囂傳

寄懷元翁

歲年豐稻杭井邑盛烟火

選詩井邑自相循注引周禮九夫為井四井為邑史記律

書烟火

北園曾未窺

董仲舒傳三年不窺園

王事方勤我

詩王事適我

花枝互低昂

韓文公詩道傍草木花紅紫相低昂歐陽公詩薰風入花骨花枝互低昂

鳥語

相許可

漢蕭何傳上奏許可師古曰可其所奏許其所請

觀物見歸根撫時終

宴坐

老子云萬物並作吾以觀其復夫物芸芸各歸其根歸根曰靜宴坐見前注

搔首望四

鄰諸賢皆最課

班固叙傳云奏課連最韓詩寄鄒極工

簿領書甚辦米鹽顯

史記天官書其占驗凌雜米鹽漢書咸宣傳其治米鹽平生

短朱墨

見前

吏考仰丞佐初無公侯心骨相本寒餓

退

詩自歎虞翻骨相也

明窗懷玉友清絕吟楚些

見楚辭招魂南史下琳傳時謂銓錫

二王玉昆金友沈存中云今夔峽湖人九禁呪勾尾皆稱些乃楚人舊俗

念君方坐曹

薛

傳日至休吏賊曹掾獨不肯休坐曹治事白樂天詩竟日主官曹經荀曠休沐無因奉虛左

史記

魏公子無忌傳公子從車騎虛左自迎夷門侯生魏勃願見相君無因見齊悼惠王傳

對酒次前韻寄懷元翁

花光漸寒食

李白詩花光不減上林紅木燧催國火

論語鑽燧改火鄴中記井州一

百五日為介子推斷火冷食三日內則云大鍋木燧注云木燧鑽火也周禮司燧掌行火之政令四時變國火

以救時疾張景陽詩離君幾何時鑽燧忽改火沽酒烏勸人

見前懷賢吾忘我

莊子齊物論云今者吾喪我注云我忘矣

事往墮甌休

孟敏荷甌墮地不顧而去林宗見而

問其意對曰甌已破矣視之何益林宗異之勸令游學十年知名見後漢郭太傳

心知求田可

陳登謂許汜曰君求田問舍言無可采附呂布傳後王荊公詩老馬無用亦求田

可人不在眼

禮記管仲遇盜取二人焉上以為公臣曰其所與游辟也可人也晉史桓溫過王敦墓曰可人可人樽俎

思促坐有生當空惚

後漢卓茂傳斯固無假天所課東

坡詩此病天所儲長
安小東天所放之類
不解聞健飲韓退之詩不解文字

閒且勤飲
俄成一蓬顯賈山傳曾不得蓬
泥釣珽萬物董仲舒策

云猶泥之在鉤唯斲者之所為老子
云埏埴以為器注云埏和也填土也
寒暑勤五佐史記天官

書云天神貴者太一太一佐曰五帝
按月令四時皆有常而土旺四季
豈其懷愛憎私使

我窮餓莊子太宗師篇云父母豈欲吾貧哉天
無私覆地無私載天地豈私貧我哉
醉招魂

不來浪下巫陽些杜詩不知臨老曰招得幾人魂退之
詩愁然酸骨死怪花醉魂馨招魂云

帝告巫陽曰云云乃下招曰魂兮
歸來去君之恒幹何為乎四方些
夢成少年嬉走馬章

臺左漢張敞傳走馬章臺街太白
詩青雲少年子挾彈章臺左

侯慰之吉水覆按未歸三日泥雨戲成寄之

歎息侯羸老

史記魏公子無忌傳封為信陵君魏有隱士侯羸年七十家貧為大梁夷門監者公

子往請欲厚遺之不肯受乃置酒大會賓客坐定公子從車騎虛左自迎侯生云云尉曹鞍馬疲

山花迷部曲江雨壓旌旗越鳥勸沽酒

太白詩清風動窗竹越鳥起相

呼謂提壺

竹雞憂蹋泥

謂泥滑滑

不知何處醉遙寄解醒詩

劉伶

五斗解醒

侯尉家聽琵琶

舫齋蒼竹雨聲中一曲琵琶酒一鍾恰似潯陽江上聽

只無明月與丹楓

白樂天琵琶引其略云潯陽江頭夜送客楓葉荻花秋瑟瑟主人下馬客

在船舉酒欲飲無管絃醉不成歡慘將別別時茫茫江浸月云云

寄袁守廖獻卿

公移猥甚叢生筍

退之詩戰戰已多如束筍集中有符移官移與公移皆檄也司馬相如有

喻巴蜀檄

訟牒紛如蜜分窠

訟牒即北山移文所謂牒訐倖僣也

少得曲肱成

夢蝶

見前注

不堪衙吏報鳴鼙

詩靈臺云鼙鼓達達柳子厚詩蹀躞先駕龍銅鼓

報衙東坡詩鼙鳴穴中如打衙

已荒里社田園了

見歸去來辭

可柰春風桃

李何想見宜春賢太守

袁州宜春郡亦治宜春縣

無書來問病維摩

維摩經維摩詰即以神力空其室內唯置一床以疾而卧

廖袁州次韻見答并寄黃靖國再生傳次韻寄之

春去懷賢感物多飛花高下冒絲窠

杜詩風花高下飛退之聯句絲窠掃

還成傳聞治境無戾虎

戰國策秦語云陳軫曰有兩虎爭人而鬪者管莊子捋刺之管與止

之曰虎者戾蟲人者甘餌也注云戾貪也兼用後漢宋均為九江太守虎渡江事

更道豐年鳴

白鼉

唐張籍詩天欲雨有東風南溪白鼉鳴窟中

史筆縱橫窺寶鉉

元注云干寶作

搜神記徐鉉作稽神錄當時謂寶鬼之董狐

詩才清壯近陰何

杜詩頗學陰何苦用心陰

何謂陰鏗何遜

寄聲千萬相勞苦如倚胡牀得按摩

趙廣漢傳界上亭長

戲曰至府為我多謝問趙君師古曰多厚也言殷勤若
今人言千萬問訊據胡牀見晉桓伊傳禮記內則問衣
煖寒疾痛苛癢而敬抑搔之注云抑按搔摩之孟子為
長者折板注折枝按摩折手節也劉峻廣絕交論注折
枝按摩
手足也

袁州劉司法亦和予摩字詩因次韻寄之

袁州司法多兼局日暮歸來印幾窠詩罷春風榮草木

歸去來辭本
欣欣以向榮

書成快劍斬蛟鼉

退之石鼓歌快
劍斫斷生蛟鼉

遙知吏

隱清如此

杜詩史隱適情性茲焉具窟宅汝
南先賢傳鄭欽吏隱于蟻陂之陽

應問卿曹

果是何問

王徽之傳為桓沖騎兵參軍沖
卿署何曹對曰似是馬曹

頗憶病餘居士

否在家無意食蘿摩

本草枸杞注曰諺云去家千里不食蘿摩枸杞

次韻奉答吉老并寄何君庸

傾懷相見開城府

文選千令升晉紀總論云宣皇帝性深阻有如城府面能寬綽以容納唐

李林甫城府深密人莫窺其際

取意閒談漫白窠

白窠見前注

但取吏曹無

狡兔

狡兔三窟見前注

任呼舞女伐靈鼉

采芑詩伐鼓淵淵南都賦吹紫鳳之蕭伐

靈鼉之鼓

屢中甕面酒幾聖

缸面即甕頭見前注魏志徐邈傳時科禁酒而邈私飲至沈醉

校事趙達問以曹事邈曰中聖人達白之太祖太祖甚怒鮮于輔曰平日醉客謂酒清者為聖人濁者為賢人

偶醉言耳坐得免後文帝踐阼問曰頗復中聖人不對曰時復中之李白詩酒傾愁不來所以知酒聖

苦

憶尊前人姓何願得兩公俱助我不唯朱墨要漸摩

特非

治簿書朱出墨入
亦欲漸仁摩義也

次韻奉答廖袁州懷舊隱之詩

詩題怨鶴與驚猿

文選北山移文蕙帳空兮
夜鶴怨山人去兮曉猿驚

一幅溪藤

照麝烟

刺溪上多古藤見
舒元興乎刺藤文

聞道省郎方結綬

後漢黃香
為尚書郎

不離省闥白樂天集有賀楊十二新拜省郎詩
杜詩省郎京尹必俯拾蕭朱結綬見漢蕭育傳

可容名

士乞歸田

淵明詩云守拙歸園田
文選張平子有歸田賦

嚴安召見天嗟晚

主父

偃傳上書朝奏暮召時徐樂嚴安亦俱上書上
召見三人謂曰公等皆安在何相見之晚也

賈誼歸

來席更前

誼為長沙傅帝思誼微之至入見至夜半文帝前席

何況班家有超固

應封定遠勒燕然

班超封定遠侯班固勒燕然銘各有傳

上權郡孫承議

公家簿領如雞棲

簿領見前注車如雞棲馬如拘見陳蕃傳後

私家田園無

置錐

荀子無置錐之地而明于為社稷之大義

真成忍罵加餐飯

杜詩真成浪出遊文

選古詩努力知餐飯

不如西江之水可樂饑

詩泌之洋洋可以樂飢

他人勤

拙猶相補

樂天詩救煩無若靜補拙莫如勤列子云思過不相補矣漢何武傳聖王有計功除過故

云無功狀

身無功狀堪上府

漢朱博傳齎伐閔詣府注伐公功勞也于定國傳具獻上府公

誠遣騎束縛歸

文選魏文帝書今遣騎到鄴老杜云大官喜我來遣騎問所須鮑叔牙曰使管

仲無忌束縛于魯時杜詩君看東縛去亦得歸山岡山谷在太和閔郡守三人按集中所誌墓云知吉州姚公元豐辛酉卒又一誌云知吉州畢公元豐五年十一月卒又按吉州西峯院三秀亭記云廬陵北缺守輒以他吏攝承托宿傳舍吏胥視民萬租豆執鞭者衆羊失其牧元豐六年春詔用壽春魏侯以此觀之則孫權郡者必能病諸邑故詩有忽語

長隨白鷗卧烟雨

奉和孫奉議謝送菜

春蔬照映庾郎貧

南史庾果之傳庾郎貧食鮭

遣騎持籠佐茹葷

遣騎

老前注莊子人間世篇不飲酒不茹葷

却得齋厨厭滋味白鵝存掌盞留

裾江南別錄云僧謙明好詩酒烈祖問其所求曰唯願鵝生四箇腿鸞生兩重裾陶岳五代史補亦云

和孫公善李仲同金櫻餌唱酬二首

人生欲長存日月不肯遲淵明詩日月不肯遲四時相催逼百年風吹

過忽成甘蔗滓寒山子詩更足三年還如甘蔗滓傳聞上世士烹餌草

木滋檀弓必有草木之滋焉薑桂之謂也千秋垂綠髮李賀詩綠鬢少年金釵客綠髮見前

注每恨不同時司馬相如傳朕獨不得於此人同時哉李侯好方術方術見前

注肘後探神奇莊子臭腐化為神奇南史陶弘景傳著肘後方杜甫詩腹中書籍幽時曬肘後

警方靜處看金櫻出皇墳本草金櫻子味酸蘊久服今人耐寒輕身方術多用云是今之刺黎

子色黃有刺本草序云世所傳曰神農氏本草
三卷尚書序云伏羲神農黃帝之書謂之三墳刺橐覽

霜枝寒窗司火候古鼎凍膠飴

內則寒栗飴蜜釋文飴
錫也圖經本草云金櫻

子蜀中人

初嘗不可口

莊子曰粗梨橘柚皆可于口
老杜病橘詩紛然不適口 醇

熬作煎

酒味相宜

和味宜見石耳詩芥
薑作辛和味宜注

至今身七十孺子色不

衰

莊子達生篇卑約有年
七十而猶有嬰兒之色

田中接耘鉏孫息親抱持却

笑鄰舍公未老須杖藜

見前注

假守富春公

漢南與千傳誅奏所置更以其黨為所假
注云今為郡縣之職或守或假劉禹錫詩

假守亦高卧墨卿正垂耳前有上權郡孫
承議詩即此人也廬陵比缺守孫攝州事秋毫聽民詞

夙夜臨公廳歸卧酸體肢

枚乘七發云恣支體之安柳子厚讀書詩云欠伸展體肢

樂天聽琴詩聽者酸心髓

李侯來饋藥

論語康子饋藥

期以十日

知史記扁鵲傳長

桑君出懷中藥予扁鵲曰飲是以上池之水三十日當知物矣古方書云以知為度未知再服

深中護

靈根

黃庭經五池清水灌靈根太玄經云藏心于淵美厥靈根

金鑠秘王笈

黃庭經云笈金

常

不須許斧子辛勤采玉芝

真誥英夫人吟云有心許斧子言當采玉芝芝

草不必得汝亦不能來汝來當可得芝草與汝食許斧子許五斧也一本作五芝天台山賦云五芝含秀而晨

數見

我方困健訟過翁爭一錐

魏武紀第五伯魚三娶孤女謂之過婦翁此摘

其字爭錐見左傳昭六年錐刀之未將盡爭之注云錐刀末喻小事

不能鳴絃坐頗似巫

馬期

韓詩外傳子賤治單父彈鳴琴身不下堂而單父治巫馬期以星出以星入日夜不處以身親之而

單父亦治巫馬期問于子賤子賤曰我任人子任力任人者佚任力者勞亦見說苑敢乞刀圭餘

本草序例云刀圭者十分方寸之一准如梧桐子大也退之詩云乞取圭刀救病身白樂天詩相哀白髮分

刀圭歸秋卯飲卮白樂天詩卯飲一卮眼一覺世間何事不悠悠儻令憂民病從

此得國醫

晉語云上醫醫國

答余洪範二首

道在東西祖

傳燈錄天竺有二十七祖達磨西來為中華初祖贊寧僧史以中國為東夏僧寶傳

玄沙禪師傳云詩曰達磨不來東上二祖不往西天又按傳燈錄大同禪師傳師問僧什麼處來曰東西山禮

祖師來師曰祖師不在東西山疑或用此意南岳石頭和尚參同契云竺土大仙心東西密相付人根有利鈍道無南北祖詩如大小山按許子解淮南鴻烈其序云安襲

與蘇飛李尚左吳田由雷被毛彼五被晉昌等八人及諸儒大山小山之徒共講論道德總說仁義而著此書

一家同雪月

即龍光和尚干江同一月之意

萬事廢機關

樂天詩應須繩墨機關外

天上麒麟閣

漢書甘露三年上思肱股之美圖畫其人于麒麟閣

山中虎豹閑何

時得邱壑

前漢叙傳漁釣于一壑則萬物不奸其志栖遲于一丘則天下不易其樂

明鏡失

朱顏

樂天詩腰間紅綬掛朱顏裏朱顏看已失

懸磬齋厨數米炊

室如懸磬見左傳樂天詩貧室如懸磬簡髮而櫛數米而炊見莊子庾桑楚篇

貧

中氣味更相思可無昨日黃花酒又是春風柳絮時

三月乙巳來賦鹽萬歲鄉且菟獮匿賦之家晏飯此

舍遂留宿是日大風自采菊苗薦湯餅二首

慕異別本湯餅下有

紅藥盛開四字二首作三首第三首云春風一曲花十八拚得百醉玉東西露藥烟枝見紅藥猶似舞餘和汗蹄

飛廉決雲開白日

離騷云前望舒使先驅兮後飛廉使奔屬注飛廉風伯也

頓撼天地萬

竅號

退之女琴壙銘云與致走道撼頓莊子齊物篇云大塊噫氣其名為風是唯無作作則萬竅怒

號按抄桃李欲淨盡

曲禮云共飯不澤手注澤謂按抄也劉禹錫玄都觀詩桃花淨

盡菜色開乞與遊絲百尺高

古詩遊絲百尺誠嬌妬欲絆青春歸上天庾信燕歌行洛陽遊

絲百丈連黃河春冰千片穿退之同
冠峽詩落英千尺墮遊絲百丈飄

幽叢秀色可攬擷

大業拾遺帝曰古人云秀色若可餐杜牧之云光潔疑可攬欲以襟懷貯

晉志隆安中民作懊惱歌有草生可攬擷之言

煮餅菊苗深注湯

崔氏四民月令曰立秋無

食煮餅及水漚餅

飲冰食蘂浪自古

白樂天詩三年為刺史飲水復食蘂

摩挲滿

懷春草香

後漢菊子訓傳摩挲金狄

題高君正適軒

至靜在平氣至神惟順心

易繫辭非天下之至神孰能與于此淵明歸去來辭序云

因事順心命篇曰歸去來兮

道非貴與賤達者古猶今

見前注

功名屬

廊廟閒暇歸山林

已見廊廟等山林注

畜魚觀羣嬉籠鳥聽好音

詩晚曉黃鳥載好其音文選潘岳秋興賦曰池魚籠鳥有江湖山藪之思

不如一邱壑隨願

得飛沉

丘壑見前注

開門納日月

遠詩璇題納明月

呼客解纓簪詩

書撫塵迹歌舞送光陰妖嬈傾國笑

上林賦妖冶間都史記作妖冶嬈都

陽城下蔡傾城傾國見前注

絲竹感人深

樂記曰物之感人無窮而人之好惡無節又曰姦聲

感人而逆氣應之正聲感人而順氣應之

豁然開胸次風至獨披襟

宋玉風賦楚襄

王遊于蘭臺之宮宋玉景差侍有風颯然而至王乃披襟而當之曰快哉此風

樊籠鎖形質物

外有幽尋

遠近又云物外日月本不忙

寄李次翁

雨斷山川明

老杜詩楚天不斷四時雨太白詩嶺峭紉上干川明屢回顧

古今同一

壑

漢楊惲傳古與今如一丘之路注云言其同類也

惟有在世時聊厚不為簿

文選古詩斗酒相娛樂聊厚不為簿王荆公詩珍足海物味其厚不為簿

南箕與北斗親友

多離索

集中有詩云故人南箕與北斗已注其詳檀弓云子夏曰吾離羣而索居

斯文如舊

歡李侯極磊落頗見元魯山用心撫疲弱

元德秀字紫芝為魯山令

有德政天下高其行不名謂之元魯山詳見唐書卓行傳前集有贈別李次翁四言詩其畧云觀物慈哀雅民愛莊而此詩又比之元魯山此人當是作邑張方同家本編四言詩于太和詩中此詩亦在太和作不以

民為梯俯仰無所作

退之詩將舉汝慙尤以為已階梯孟子仰不愧于天俯不忤于人

胸中種妙覺

圓覺經由彼妙覺性徧滿故根性塵性無壞無雜

歲晚期必獲然

膏夜讀書

退學解云焚膏油以繼晷

見聖宜有作

書君陳云凡人未見聖若不克見既

見聖亦不克由聖

文字寄我來官郵遠飛索

索謂直筒也白樂天云與微之唱和

來去常以竹筒貯詩又有詩云寂寥無復遞詩筒

世緣心已死儻得萬金藥

萬金

良藥見灌夫傳

四月戊申賦鹽萬歲山中仰懷外舅謝師厚

山谷銘香

夫人謝氏墓云嘗任司封郎中提點成都府路刑獄公事或以疑似中之生失官數年已而有大臣

寬其獄天子直之今為屯田郎中通判襄州名景
初者父也景初字師厚按師厚之弟刑部尚書景
溫所作謝氏小隱田記云元豐五年予自長沙以
禮侍召道出襄陽時伯兄通判襄州兄弟相見皆
白首矣山谷此詩是年所作無疑其
下十數詩皆述賦監之苦蓋同時也

只今漢龐公白髮佐州郡

後漢書龐公者南郡襄陽人也用襄陽事因以龐比師厚

窮通視寒暑

莊子讓王篇古之得道者窮亦樂通亦樂所樂非窮通也道得于此則窮通為寒暑

風雨之序矣

仕已誰喜愠

見前注

長松卧澗底

文選詩鬱鬱澗底松離離山上

苗以彼徑寸葉蔭此百尺條世宵漸高位英俊沉下寮

桴雷多裂壘

方言器破而未離謂之壘

未須論才難

柳子厚詩才難不其然字本出論語

世人無此韻

晉庾敳傳雅有遠韻

陶潛詩少無適俗韻性本愛丘山謝譚為韻
語獎勸靈運等曰康樂誕通度實有名家韻
禪悅稱性

深維摩經云雖復飲食而以禪悅為味
語端入理近渙若開春冰左傳序云渙然

冰釋韓文公詩離思
春冰泮爛漫不可收
超然聽年運老子年運而往
臨氏

秉三尺漢杜周傳客有謂周曰君為天子決平不循三尺法注云以三尺竹簡書法律也左傳魯秉周

禮
朱墨不可紊朱墨見前注
傳聞但言歸心許手自隱自隱見次

韻師厚答
馬著作注
欲知南陂稻得幾就收据後漢范丹傳招指自資注引他書云

招拾麥
得五斛
胥疏江湖濱莊子山水篇猶且胥疏于江湖之上
不邇金玉訓詩云

母金玉
爾音
濡需且肉食濡需見前注
穀棘恐鐘饗孟子對齊宣王曰王坐于

堂上有犂牛而過堂下者王曰牛向之對龍移山發洪

虎乳月生暈

淮南子虎嘯而谷風至龍舉而景雲厲月生暈謂月暈而風也

竹聲寒夏

簾轆轤中夜聽寄聲向鹿門儻賜勞苦問

龐公傳云遂攜妻子登鹿

門山因米藥不反勞苦見漢張耳傳杜甫冬日懷李白詩未因乘興去空有鹿門期李白詩嘗聞龐德翁家住洞湖水終身栖鹿門不入襄陽市

癸丑宿早禾渡僧舍

壬戌四月癸丑至辛酉賦鹽萬歲山及金刀坑凡十篇

城頭渡可涉早禾渡可輟

詩大東云維北有斗不可以挹酒漿注云挹輟也釋音云

廣雅曰酌也音拘

試問安用舟春水三文餘是維一都會

史記貨殖

傳邯鄲亦漳河之問一都
會也凡言一都會者八
阻僧權正輸漢貨殖傳節

家交易者也阻者其首率也
賦輸也史記平準書天下賦輸或不償其餽費
鬱鬱多

大姓儒冠頗詩書

漢趙廣漢傳穎川豪傑大姓

以武斷鄉曲

食貨志晁錯奏

言并兼豪黨之徒以武斷鄉曲
舊俗小未除厭囂謝近市

左傳昭三年景公謂晏子

日子之宅近市湫溢囂塵
又云賈而欲贏而惡囂乎
斬絕得僧區

劉孝標廣絕交論太行孟門豈

日漸絕韓文鄭羣墓誌
云不為崖岸斬絕之行
此地美水竹林明見浴冕

沙煖

低風蝶天晴喜浴免
相追唳菱藻

楚辭免雁皆唳梁藻兮鳳飄翔而高舉子虛賦唳蝶菁藻咀嚼

菱藕啜亦作
唳唳色甲反

天樂非世娛

莊子黃帝張樂于洞庭之野其卒無尾其始無首此之謂

天樂李白宮中行樂詞春
風開紫殿天樂下珠樓
憶在田園日放浪友禽魚

楔飲序云放浪形骸之外
今來長山邑忍饑撫惇孤出入步曲隨

武紀云各領部曲注引續漢志曰大將軍營
有五部部三校尉部下有曲曲有軍使一人
咳唾吏史

趨注高要錄義之帖云傾因小差
欲極遊娛而吏卒守之可數耳
形骸束簪笏可意一

事無杜詩咸陽客
舍一事無
謀生理未拙仰愧擁腫樗
見前注曲

肱睛簷底結網看蜘蛛
王荆公詩移床獨卧秋
風裏靜看蜘蛛結網絲

宿觀山

暮發白下地
白下見
暝投觀山宿橫溪赤欄橋
溫飛卿
樂府云

一渠春水
赤欄橋

一徑入松竹野僧如驚麕

文選沈休文詩
驚麕去不忌

避

堂具燈燭

曹參傳避正
堂舍蓋公

我眠興視夜

詩子興
視夜

部曲始炊

熟篲水烟際鳴

以竹通水曰
篲古典切

萬籟入秋木

莊子齊物論
敢問天籟子

纂曰吹萬不同
而使具自己也

平生瀟洒興本願終澗谷

杜詩非無江
海志瀟洒送

日世累漸逼人

晉謝安傳疊
疊為來逼人

如垢不醜沐

禮內則五日
則燂湯請浴

三日具沐其間
潘靖醜釋文曰醜音悔

已成老翁為作吏碌碌

史記
平原

君傳公等碌
碌因人成事

上大蒙籠

乙卯
晨起

黃霧冥冥小石門苔衣草路無人迹

爾雅薄石衣注水苔也東漢馬后傳

黃霧四塞杜詩曰滿襟前江霧黃

苦竹參天大石門

杜詩喬木上參天

虎迹兔

蹊聊倚息

爾雅麋其跡蹊兔其跡迹注跡脚所踐處迹戶郎反

陰風搜林山鬼嘯

宋玉風賦稍殺林莽屈原九歌有山鬼篇杜詩山鬼吹燈滅厨人語夜闌白樂天詩水蟲能射影山鬼解藏身

千丈寒藤繞崩石

杜詩欽離將棘拒倒石賴藤纏

清風源裏有人家牛

羊在山亦桑麻向來陸梁嫚官府

陸梁見前注莊子官天地府萬物試

呼使前問其故衣冠漢儀民父子

先武紀復見漢官威儀

吏曹擾

之至如此窮鄉有米無食鹽今日有田無米食

當作今日有鹽

無食

但願官清不愛錢

太白贈崔秋浦云見客但傾酒為官不愛錢縣古槐根出官清

馬骨高見歐陽公詩話

長養兒孫聽驅使

退之贈盧仝云有力未免遭驅使

勞坑入前城

乙卯飯後

刀坑石如刀

樂天入峽詩大石如劍小石如齒牙

勞坑人馬勞窈窕篁

竹陰

退之送區冊序云夾江荒茅篁竹之間本出漢書

是常主遁逃

武城云為天下遁逃

主白狐跳梁去

甘泉賦注云陸梁跳也

豪豬森怒嗥雲黃覺日瘦

杜詩久行見空巷日瘦氣慘慘

木落知風鬢

退之祭文云雪虐風號號一作鬢

輕軒息

源口飯羹煮溪毛

左傳澗溪治止之毛

山農驚長吏

退之詩山農驚見之

拜家騷騷

檀弓騷爾則野騷

惜問淡食民祖孫甘舖糟

退之徐偃王碑

祖孫相望楚辭舖其糴而啜其醕

賴官得鹽吃正苦無錢刀

泉布刀皆錢也食貨

志王莽造契刀錯刀柳子厚詩錢刀恐實害飢至益遠巡

乙卯宿清泉寺

稅輿陟高岡

詩卷耳云陟彼高岡

却立倚天壁

宋玉大言賦長劍耿介倚天外東坡

詩倚天無數開青壁就輿亂清溪轉石飛霹靂

太白詩崩崖轉石萬壑雷韓文公祭

張署丈洞庭漫汗粘天無壁風濤相壓中有霹靂

十步一沮洳

魏國風彼汾沮洳韓詩大魚豈

肯居沮洳杜詩沮洳棧道濕

五步一枳棘

阿房宮賦五步一闕上方未言

返

上方見前注

豁見平土宅

書是降丘宅土孟子然後人得平土而居之

田家雞

犬歸佛廟檀欒碧

杖乘光園賦修竹檀欒王維詩間居日清靜修竹自檀欒謝朓詩檀欒映

修蓮蕩落紅衣

趙嘏詩紅衣落盡渚蓮愁

泉泓數白石人如安巢鳥

杜詩東走無復憶鱸魚南飛覺有安巢鳥韓文公聯句暮鳥已安巢春蠶看滿箔

稍就一枝息

莊子鷦鷯巢于深林不過一枝

鐘魚各知時吾亦自得刀

杜詩生我不得力

丙辰仍宿清泉寺

山農居負山呼集來苦遲既來授政役

文選東京賦賦政任役常畏人

力之盡也

謠詠謂余欺按省其家貲可忍鞭挾之

元結秦陵行悉使索

其家而又無生資左傳一狹女盾何傷注扶擊也救栗切恩言輸公家疑阻久乃隨

滕口終自愧

易咸之上六滕口說也

吾敢乏王師官寧憚淹留

官字

蓋用韓退之灋吏詩云灋吏垂手笑官何問之愚譬官屋京邑何由知東吳左傳僖三十三年不腆弊邑為從

者之

職在拊嫗嫗所將部曲多溷汝父老為

漢陸賈傳母久溷汝

為西山失半壁

太白詩青山欲銜半邊日又云半壁見海日

且復下囊輜

漢王

占傳所載不過囊衣左傳襄十二年楚重至于泌注云輜重也正義曰輜一名輶前後蔽以載物

啼鴉

散篇帙

靈運詩散帙問所知詩意謂日暮罷休文書也

休吏稅巾衣

漢薛宣傳日至休吏

石泉鼓坎坎

詩坎坎鼓飛言泉鳴如鼓聲

竹風吹參差

楚辭吹參差兮誰思注參

差洞蕭也補注曰風俗通云舜作蕭其形參差此聯雖以蕭鼓為喻然亦取柳子厚南澗詩迴風一蕭瑟林影

久參差也書令行熠燿詩熠燿宵行注熠燿燐也燐螢也燐螢之意壁蟲

催杼機古今注促織一名投機謂其聲如急織也昏缸夜未央缸燈也西都賦金缸街壁

夜未央見詩高枕夢登巖

丁巳宿寶石寺

鐘磬秋山靜柳子厚詩鶴鳴楚山靜爐香沉水寒楞嚴經云見諸比丘燒沉水香

晴風蕩濛雨詩東山零雨其濛雲物尚盤桓歸去來辭云撫孤松而盤桓注云爾

雅曰盤桓不退也淪茗赤銅碗山外集詩注覓泉蒼烟竿紅榴踣玉房吳都賦云

榛栗罇發文選陸士衡子魏武文云陪窈窕于玉房注引漢書郊祀歌曰神之出排玉房柳子厚詩侯家職炭

雕玉房此

幺橘委金丸

蘇舜欽詩洞庭柑熟客分金

枕簟已思燠飯炙可加餐

瞿方進傳飯我豆食羹芋觀

已自得力談元舌本乾

晉殷仲堪傳每云三日不讀道德經覺舌本間強

理窟

乃塊然

晉張憑傳簡文帝召憑與語歎曰張憑勃率為理窟駱賓王上韋明府奉訓趨庭來情田于理

窟曹子建求通親表每四節之會塊然獨處

世故浪萬端

杜詩世故莽相仍

端牛刀經肯綮

莊子庖丁解牛技經肯綮之未嘗

古人貴守官

左傳守道不如


守官柳子厚論守道不如守官是非聖人之言未有守官而失道守道而失官之事者

摩挲發硯

手考此一邱槃

後漢蒯子訓摩挲銅人此摘其字刀刃若新發于硎亦庖丁事衛國風考槃在

澗注云考成槃樂也



山谷外集詩注卷十

欽定四庫全書

集部

山谷外集詩注卷十一至十四

詳校官庶吉士臣胡鈺

檢討臣何思鈞覆勘

總校官候補中允臣王燕緒

校對官編修臣勵守謙

謄錄監生臣趙大赤

欽定四庫全書

山谷外集詩注卷十一

宋 黃庭堅 撰

史 容 注

已未過太湖僧寺得宗汝為書寄山簾白酒長韻

詩寄答

從學晚聞道

莊子曰孔子行年五十有一而不聞道

謀官無見功

魏伯陽參同契

云竭力勞精神終身無見功

早衰觀水鑒

酒誥云人無于水監當於民監莊子人莫鑒于流水

而鑒于止水

內熱愧鄰邦

莊子人間世篇今吾朝受命而夕飲冰我其內熱歟

比鄰有

宗侯治劇乃雍容摩手撫鰥寡藁礎礫強梁

老子強梁者不得其

死莊子從其強梁隨其曲傳樂府詩云藁礎今何在藁礎缺也項籍傳身伏斧質師古曰質謂鋸也古者斬人

加于鋸上而斫之鋸竹林反景帝紀云改礫曰棄市師古注礫張其尸也棄市殺之市也礫竹客反桃李

與荆棘

說苑簡子謂陽虎曰樹桃李者夏得休息秋得食焉樹蒺藜者夏不得休息秋得其刺焉

稱

物施露霜

易君子以稱物平施言思慮兼用如雨露霜雪也詩云蒺藜蒼蒼白露為霜此摘其字

政經甚縝密

柳子厚誌崔永州墓

私不蚍蜉通

韓文無

子之搜此言無一蠚之私也

吏舍無請賊

曹參傳後園近吏舍吏舍日飲歌呼趙廣漢傳吏受

取諸求錄而之甚皆知
之尹賞侍受縣報仇

家有侯在堂府符下鹽策

管子曰海

王之國謹正鹽策十口之家十
人食鹽百口之家百人食鹽

縣官勸和羹

書若作和羹

作

民敏風雨令先諸邑行我居萬夫上闢情世無雙此邑

宅巖巖

魯頌太山巖巖

里中頗秦風翁媪無恙時出分如蜂房

賈誼新書秦人家富子壯
則出分家貧子壯則出贅

一錢氣不直

漢書灌夫罵賢曰平生毀程不

識不直

白挺及父兄簪筆懷三尺揖我謂我臧

山谷院

賦序其畧云江西之俗其細民險而健以終訟為能名
曰珥筆之民惟筠為州獨不羈于訟然與南康廬陵宜

春三郡並蒙惡聲廬陵即吉州也齊國
風還云揖我謂我臧兮三尺見前注

向來豪傑吏治

之以牛羊我不忍敵民教養如兒甥荆雞伏鵲卯久望

羽翼成

莊子庚桑楚篇越雞不能伏鵲卵魯雞固能矣音義曰小雞也或云荆雞魯雞大雞也今蜀雞

張良傳上召戚夫人指祝曰羽翼已成不可動矣

訟端洵洵來諭去稍聽從尙

餘租庸調

杜詩況間處處鬻男

歲歲稽法程

漢賈誼云立經陳紀

可以為萬世法程

按圖索家資四壁達牖牕揜目鞭扑之

檀弓每斃

一人揜其目

桁楊相推振

莊子云桁楊接楮音義云械交頸及脛者

身欲免官去

駕馬戀豆糠

桓範出赴曹爽將濟曰駕馬戀棧豆爽必不能用也見魏志

所以積廩

鹽未使戶得烹八月醺社酒公私樂年登遣徒與會稽

史記要紀禹會諸侯江南計功而崩
而悉走荻篲吾惟

不足遣

張良傳上曰吾惟之豎子

夙駕畧我疆

詩星言

邑西軟戾地

軟當作軟音孤莊子庖丁解牛技經肯綮之未嘗而況大孰乎注云軟戾大骨也音

義云

是嘗嬰吾鋒齧齧其強宗

齧齧也口很切退之曹成王碑齧其森招

漢田儼傳云秦復得志于天下則齧齧首用事者墳墓矣注云齧側齧也音義齧齧也音能

彼乃可

使令夙夜於遠郊草露沾帷裳

詩漸車帷裳

入磴履虎尾

易

履卦

捫蘿觸薊芒

杜詩蘿捫

借問夕何宿煙邊數峯橫

松竹不見天

楚辭山鬼余處幽篁兮終不見天漢書廣川王歌曰內蓆鬱憂哀積上不見天生何

益蟠空作秋聲谷鳥與溪瀨合絃琵琶箏

楚辭石瀨兮
藏藏杜詩絕

壁過雲開錦繡疎松隔水奏笙簧張籍
祭退之詩云乃出二侍女合彈琵琶箏稅駕亂石間李斯

曰吾未知
所稅駕矣巖寺鳴疎鍾山農頗來服見其父孫翁退之
銘焉

少監云吾未耄老而
哭其祖子孫三世苦辭王賦逢戶戶無積藏民病我

亦病呻吟達五更韻為誦書語

一作書
生語

行歌類楚狂論語

楚狂接輿歌
而過孔子舉鞭問嘉禾秣馬可及城

嘉禾謂吉州永
新縣也縣有禾

山故號嘉禾集中有答永新宗令寄石耳
詩云嘉禾令尹清如水宗令即汝為也

惜哉憂城旦

漢儒林傳竇太后好黃老韓固曰此家人言矣太后怒
曰安得司空城旦書乎惠帝紀當為城旦春者皆耐為

鬼薪白粲注云城旦者旦起
行治城春作米皆四歲刑也
不得對榻牀灑筆付飛鳥

北風吹報章書回銀鈎壯

見前注

句與麝煤香

李建中題楊凝式大

字壁後云枯杉劍檜霜天老松煙麝煤風雨寒山谷喜書此詩

浮蛆撥官醅

李太白詩恰似蒲萄

新撥醅曾南豐詩浮蛆滿甕嘗春酒

傾壺嫩鵝黃

杜詩鵝兒黃似酒對酒愛新鵝

山氣常

蓊蘄

杜詩蓊蘄川氣黃

此物可屢觴蘋藥割紫藤開籠喜手封

味溫頗宜人

杜詩疎快頗宜人

芼以石飴薑舉杯引藥糜詠詩

對寒江寄聲甚勞苦

寄聲勞苦並見前注

相思秋月明我邑萬戶

鄉其民資器凶欲割以壽公使之承化光

易含萬物而化光

反

以來壽我中有吞舟鯨

賈誼吊屈原賦彼尋常之汙瀆兮豈能容夫吞舟之巨魚杜詩

中有掉尾鯨

銅墨俱王命

文選策秀才文深沐珪符如簡銅墨注云珪符謂刺史銅墨謂縣令

漢書曰縣令長皆泰官秩六百石銅印墨綬

職思慰孤悖

詩職思共憂

何時賭一

擲燒燭呪明瓊

晉劉毅傳擲大擲一判至數百萬列子說符篇射者射四瓊注云齒五百也

此卷北有三月乙巳來賦鹽萬歲鄉且蒐獮匿賦之家

二首又有四月戊申賦鹽萬歲山中一首今觀此詩可

兄鹽之獲民甚矣司馬溫公記文載皮公弼言官賣鹽

無利實錄載皮公弼言官賣鹽不得罷今觀此詩蓋

官賣不售而賦之民之前三首有月日後十一首止稱

甲子自癸丑至辛酉凡決句歷盡崎嶇雖不能無怨而

詞甚

疏

庚申宿觀音院

谷底一墟落

文選范房龍詩軒蓋照墟落李善曰說苑云師曠謂晉平公曰五鼎不當生墟落

地形如盎盆樣題相照耀

孟子樣題數尺釋文云爾雅曰稱謂之樣題頭也

其

民頗家溫

董仲舒傳家溫而食厚樣

土風甚于秦不可借金甌

音言賈誼

言秦俗云借父糧鉏慮有德色毋取箕帚立而許語潘安仁西征賦子贏鋤以借父訓秦法而著色

僧屋

無陶瓦剪茅蒼竹樊

吳錯傳茅茨不剪詩東方未明折柳樊園注樊落也

借問僧

安在乞飯走諸門人閑鳥鳥語

法言云一閑之市

簾涼風水文

退之詩水文浮桃華

旁有蜂蜜廬

山海經云是惟蟄蟲寔惟蜂蜜之廬

頗聞衙集喧

俾雅峰有兩衙應潮錢昭度村居云黃峰
將雨蟻爭丘
衙還海潮上白蟻戰酣山雨來見談苑

鏖兵復追奔

吳郡臬淳于夢夢人扶入宅南古槐穴中
有大槐安園其王以女瑤

芳妻之使為南柯郡守二十年有檀蘿國來伐王命生
征之敗績共妻病死王謂生可暫歸生上車出一穴見

本里閭巷入其門見已身卧堂廡下發悟如初夢中倏
忽若度一世矣遂尋古槐下穴見大穴洞然積土環為

城郭臺殿之狀有蟻數斛中有小臺二大蟻處之即槐
安國也又窮一穴直上南枝亦有土城小樓即南柯郡

也宅東一里洞側有大槐樹藤蘿擁織旁有蟻穴意其
為檀蘿國合短兵鏖臬蘭下見霍去病傳追奔逐北見

文選李
校書

紅英委鳳翼赤憤我雞冠

老杜樹雞柵詩云終
日惜赤憤今以言雞

冠
汲烹寒泉窟伐竹古松根相戒莫浪出月黑虎夔藩

老杜詩伐木詩序云我有落難是缺是補有虎知禁若
情爪牙之利必各品種安憂人屋壁山谷蓋用此語而
杜詩作于夔州所謂憂人蓋夔州之人也老杜有夔州
詠懷詩云市壁溪西巖自注云市壁夔人語也憂人屋
壁即此類文選靈光殿賦領欲動而蹢躅蹢躅夔
落蓋誤以憂人為蹢躅之義也蹢躅動也

辛酉憇刀坑口

羣山黛新染

車文君眉色不加黛飾常若遠山韓文公市山詩天字浮脣眉濃綠畫新就

蒙

氣寒鬱鬱

漢京房傳上封事曰辛酉以來蒙氣衰去太陽精明辛巳蒙氣復乘卦太陽侵色復上封

事曰乃丙戌小
而丁亥蒙氣去

掃除迎將家

莊子寓言篇其往也舍者迎將其家公執席釋文曰

家公主人公也一讀舍者迎將其家為句此事本出列
子列子云舍者迎將家注云客舍家也山谷本用此語

而莊子云迎將其家多一其
字轉駕誤耳釋文又承誤也

下簾脫巾韞

退之送文暢詩詭制恒巾

轍南北舍一棠

詩蔽芾甘棠勿剪勿伐召伯所茇
毛云蔽芾小貌箋云舍小棠之下
况可

清煩暍

文選西京賦此焉清暑
史記禹扇暍暍暑病也

鳥聲廢書眠聊以休吏

卒竹雞苦喚人

北夢瑣言醫工云竹雞食半長陶岳零
陵記云竹雞狀如鷄尾少長大率皆鵠

也方言各異
耳喚謂喚雨

覺坐觀法窟無外同一家

見前注王荆公雜詠
萬物予一體九州予

一惟已非萬物清波兩駕鶩善游且能沒

莊子達生
篇顏淵問

仲尼曰吾嘗濟乎觴深之淵津人操舟若神吾問焉曰
操舟可學耶曰可喜游者數能若乃夫沒人則未嘗見

舟而便
操之也
驚人相追飛甚念失其匹

文選劉安招隱士云
禽獸駭兮亡其曹

春鉏貌閒暇

爾雅驚春鉏鵬鳥賦止于生陽貌甚閒暇

羨魚情至骨

董仲舒云

臨淵羨魚不如退而結網杜詩
傳內深次骨注云深刻至骨也

廣道策堅良

漢食貨志乘堅策良

孟子聖王為衣服之法
堅車良馬不知貴也

熙熙集于苑

國語晉優施謂里克妻曰主孟哈我

我義茲暇豫市君乃歌曰暇豫之事吾不如為高人皆
集于苑已獨采于枯里克曰何謂苑何謂枯曰其母為

夫人其子為君可不謂苑乎其母既死其子又有訪可
不謂枯乎訪苑彼柳斯鳴蜩蟪蛄音鬱今叶韻常用

此音爛額始論功儻能謀曲突

漢霍光傳初霍氏奢侈茂陵徐生曰霍氏必亡迺上

疏言霍氏泰盛宜以時抑削無使至亡書三主報關
其後霍氏誅滅而告霍氏者皆封人為徐生上書曰臣

聞客有退主人者見其寵直突旁有積薪客謂主人更
為曲突遠徙其薪不者且有火患主人然然不應俄而

家果失火鄰里共救之幸而得息于是殺牛置酒謝其鄰人灼爛者在于上行餘各以功次坐而不錄言曲突論功而曲突徙薪亡恩澤焦頭爛額為上客耶主人寤而請之今茂陵徐叔數上書言霍氏且有變宜防絕之使福說得行則國無列土出爵之費且無逆亂誅滅之敗往事既已而福不蒙其功惟陛下察之此詩篇末蓋有所諷也

金刀坑迎將家待追漿坑十餘戶山農不至因題

其壁

窮鄉阻地險篁竹嘯夔魑

篁竹見前注國語云木石之怪夔水之怪龍文選東京賦

殘夔魑與罔象注云夔不石之怪說文曰魑耗鬼也甘泉賦亦云指夔魑而扶搖狂惡少擅三窟

見前注杜詩姦雄惡少皆封侯又詩寄語惡年少
黃金且休擲李白詩孟嘗習教免三窟賴馮煖不承

吏追呼老翁燕無凶此句疑外誤偃蹇坐里間後生習聞見

官不禁權輿爾雅權輿始也懷書斥長吏持杖麇公徒麇見前注曹頌

公徒三萬遂令五百里化為豺豕墟古來沈牛羊撒水臣鱣

魚韓退之告鱣魚文云以羊一豕一投惡漢之渰水以與鱣魚食而告之曰云云猛虎剥文章

矧而民髮膚孝經身髮膚哀哉奉其身曾不如鳥鳥見前注破

家縣令手南面天子除要能伐強梁然後活惇孤屬為

民父母未教忍先誅孟子曰惡在其為民父母也又曰其教之不政而後誅之乎山

川甚秀拔人物亦詩書十室有忠信此鄉何獨無見論語

次韻漢公招七兄

白髮霏霏雪點斑朱櫻忽忽鳥銜殘

傳燈錄瀋山與仰山遊行次鳥銜一

紅桺落前枯將與仰山仰山接得以水洗了却與枯云云介甫詩云鳥殘紅桺昔曾分

公度休吏

進湯餅

漢薛宣傳曰至休吏湯餅見前戴贈彥深詩注

語燕無人窺井欄詩句

多傳知有暇道人相見不應難老郎親屈延處士風味

依侑如姓桓

元注云桓沖禮處士劉驥之鄭榮甚厚按晉桓沖傳云命處士南陽劉驥之為長吏

驥之不屈親往迎之禮之甚厚又驥處士長沙鄭榮為別駕梅禮盡恭榮感其好賢乃起應命

寄題安福李令適軒

安福縣
隸吉州

琳宮接叢霄

此軒當在道觀故
云道人勤洒掃

淥水連翠微

爾雅山未
及上翠微

幽花露林薄

甘泉賦列新夷于林薄
舞文公詩海罕索林薄

好鳥娛清輝

謝靈運詩

清輝能娛人
遊子澹忘歸

道人勤洒掃令尹每忘歸
孝慈民父母虎

去蝗退飛

後漢劉昆傳守弘農虎北渡河卓茂傳時天
下大蝗獨不入密縣界魯恭傳郡國螟傷稼

犬牙緣界不入中
牟左傳六鵠退飛

來思僚友同

小雅爾羊來
思爾牧來思

歌舞醉紅

衣定知與民樂

孟子云與
民同樂

吏瘦吾民肥

唐韓休傳帝曰
吾雖瘠天下肥

矣

寄題安福李令先春閣

宮殿繞風煙

此句與前篇
珠宮同意

江山壯城郭令君莖桃李

太白

詩同君莖桃李
此地忽芳菲

面春築飛閣春至最先知雨露徧花樂

洲明詩言息其廬花藥分列鮑明
遠詩乳燕拾草蟲巢蜂拾花藥

是日勸農桑冰銷土

膏作

周語云土乃脉發又曰土膏其動張
平子東京賦農祥晨正土膏脉起

絃歌出縣齋

子之武城聞絃歌之聲見
論語述之有縣齋讀書詩

裴回問民瘼

後漢循吏傳
序廣求民瘼雞

犬聲相聞

莊子法筵篇鄰邑相望
犬之聲相聞老子亦云

嬰此簿領縛

簿領見前

注

安得携手嬉烹茶煨鴨脚

歐陽公和梅聖俞鴨脚子
詩絳囊固入貢銀杏貴子

州又詩鴨脚雞百
箇外之誠可珍

寄題安福李令愛竹堂

淵明喜種菊

見陶潛詩集

子猷喜種竹

晉王徽之字子猷寄居空宅便令種竹曰

何可一日無此君耶

託物雖自殊心期俱不俗

見前注

千載得李侯

異世等風流

風流見答張少河詩注李白答杜秀才詩吾非謝伯邀彦伯異代風流各一時

為

官恐是陶彭澤愛竹最知王子猷寒窗對酒聽雨雪夏

簾烹茶卧風月小僧知今不凡材

老杜鷹詩金眸玉爪不凡材

自掃

竹根培老節富貴于我如浮雲

見論語

安可一日無此君

見前注

人言愛竹有何好此中難為俗人道

晉孟嘉傳桓溫問嘉酒有

何好而卿嗜之嘉曰公未得此中趣耳司馬遷報任安書此可為知者道難為俗人言也

我于此物

更不疎一官窘束何由到

賈誼賦寬若四拘文選吳郡賦窮龍宮束選之詩人生如

此句可樂豈必局束為人難

題安福李令朝華亭

丹楹刻桷上崢嶸

春秋莊二十三年秋丹桓宮桓二十月三月刻桓宮桷

表裏江

山路

一作略

眼平

表裏山河必無害也見左傳傳二十八平樂天詩嵩山表裏千里雪

曉日

成霞張錦綺

謝朓詩餘霞散成綺

青林多露綴珠纓

謝靈運詩云花上露猶泣

法華經普門品云無盡意白佛言我今當供養觀世音菩薩即解頸象寶珠纓珞以與之文選王明君詞云泣

淚濕珠纓

人如旋磨觀羣蟻

見前注

田似園基據一枰

文選博奕論一

枰之上李善本從木音平五臣本作一枰補萌切

對案昏昏迷簿領暫來登覽

見高明

登快閣

快閣在太和山谷送呂知常赴太和丞云我去太和欲暮矣呂君初得太和官又云

快閣六月江風寒

癡兒了却公家事

生子癡了官事官事未易了也了快事正作癡復為快耳見晉傅咸傳

閣東西倚晚晴

唐李涉感興詩隔氏造宮闕我我倚雲煙

落木千山天遠大

澄江一道月分明

老杜天河詩常時任顯晦秋至最分明李白詩水寒夕浪急木落秋山空

柳子厚詩未落寒山靜江空秋月明

朱絃已為佳人絕

用鍾期伯牙事不知謂誰

青眼

聊因美酒橫萬里歸船弄長笛此心吾與白鷗盟

夏文莊詩

自有沙鷗知此心

和李才甫先輩快閣五首

山寒江冷丹楓落

唐文藝傳崔信明詩云楓落吳江冷

爭渡行人簇晚沙

庾信詩河橋爭渡喧孟浩然詩漁梁渡頭爭渡喧

菰葉蘋花飛白鳥一張紅錦

夕陽斜

杜牧之題韋家亭子云鶯紅半落平地晚曲消飄成錦一張

赤欄終日倚西風山色按藍小雨中

雪浪齋日記荆公小詞云按藍一水

榮花草寂寞小橋千嶂抱人不到柴門自有清風掃唐詩但言水如藍按藍字當始于荆公將老鬢

毛秋著木相思親舊水連空

長江淡淡吞天去

杜牧之詩大江吞吳去一練橫坤軸

甲子隨波日日流

杜詩別來頻甲子歸到忽春華

萬事轉頭同墮甌

郭林宗傳後孟敏荷甌墮地不顧而去

一身隨世作虛舟

莊子虛船觸舟見前注

雲橫章貢雨翻盆

杜詩白帝城下雨翻盆

寺下江深雨到門落

日荷鋤人著本

漢食貨志理民之道地著為本注謂安土也音互畧反賈誼說上曰今驅民而

歸之農皆著其
本各食其力

西風滿地葉歸根

鮑明遠詩別葉早靜
風注引翼氏風角云

木落歸本
水流向東

西南佳氣浮馬祖

馬祖山也

東北祥風繞靜居

靜居寺即青
原山王褒頌

愚從祥
風翔

山邑豐年人少訟
身來訪道得齋魚

八月十四日夜刀坑口對月奉寄王子難子聞適

用

元注云聞郡中數月未嘗
有燕遊。子難名堯臣

去年對月廬陵郡

吉州曰廬陵
郡治廬陵縣

醉留歌舞蹋金沙

老杜
詩王

使君臨日泛江詩云有
徑金沙軟無人碧草芳

今年今夕千峯下
新磨古鑒動

菱花

魏武帝有菱花鏡趙飛燕外傳有七出菱花鏡一奩度信詩鏡失菱花影釵除却月梁

寒藤

老木被光景深山大澤皆龍蛇

左傳襄二十一年深山大澤實生龍蛇杜詩深

山大澤龍蛇遠春寒野陰風景暮

西風為我奏萬籟落葉起舞驚棲鴉

遙憐城中二三友風流慣醉玉釵斜

退之詩金釵半醉座添春

今夕

傳杯定何處

老杜詩舊日重陽日傳杯不放杯

應無二十四琵琶

此言吉州

官妓琵琶之數亦見次韻周德夫詩注

彫陂

彫陂之水深且泚

老杜云陂之機出清泚

屈為印文三百里

韓文公城

南聯句沙篆印平回沙篆
鳥跡之在沙者印如篆文
呼船載過七十餘寨裳亂流

初不記

鄭國風子惠思我寨裳涉漆○元注
云乘舟上十餘渡徒涉者不可復記
竹輿區區

山徑涼僕姑呼婦聲相倚

見前

篁中猶道泥滑滑

泥滑滑蜀

中說難頭鵲梅舞俞五
禽詩泥滑滑苦竹岡

僕夫慘慘耕夫喜窮山為吏如

漫郎

漫郎唐元結自
謂也見本傳

安能為人作噐矢

莊子在宥篇焉
知曾史之不為

禁石之噐矢也
言曾參史黜

老僧迎謁喜我來吾以王事篤行李

明

遠詩手迹可傳
心願爾篤行李

知民虛實應縣官我寧信目不信耳

霍光

傳跡官非我家將軍不得至是如淳曰縣官謂天子東
平王字傳跡官年少張晏曰不敢指斥成帝謂之縣官

高士傳孔子曰吾之信類回非獨今日所信者目目猶不可言僧言生長八十餘縣令

未曾身到此

幾復寄檳榔且答詩勸予同種復次韻寄之

黃幾復名

介孫章西山山谷誌其墓熙寧九年同學究出身為長樂尉廣州教授楚州推官知四會縣任于

嶺南者十年元祐三年沒于京師與山谷少年交遊

少來不食蟻丘漿

莊子則陽篇孔子之楚舍于蟻丘之漿詞多不錄白氏六帖謂蟻丘之漿

賣漿之家也

老去得意漆園方

兄前

鑑中已失兒時面忍能

乞與兵作郎

傳燈錄云認奴作郎此摘其字獨未知其意所指也

黃幾復自海上寄惠金液三十兩且曰唯有德之士宜享將以排蕩陰邪守衛真火幸不以凡物畜

之戲答

皺面黃頰已一翁

史于哀毫發白面皺見楞嚴經已成者翁見前注

樽前猶發

少年紅

樂天詩哀顏借酒紅王荆公詩哀顏漫到酒邊紅

金丹乞與煩真友只

恐無名帝籍中

禮記月令藏帝籍之收于神倉今借使以言掛名仙籍也樂天詩但恐長生須

右篇仙臺試為檢名看慕異本作黨籍蜀本作常籍舊本作掌籍皆誤

幾道復覓檳榔

案此題疑誤味詩語似是向人覓檳榔者又前篇幾復寄檳榔且答

詩則所答
或即此詩

蠻煙雨裏紅千樹逐水排痰肘後方

肘後見

莫笑忍饑

窮縣令

陸龜蒙祀荊賦序云我幾年來忍飢誦經豈不知屬治兒有酒肉耶

煩君一斛寄

檳榔

劉穆之爲丹徒尹召妻兄弟及醉令厨人以金杵貯檳榔一斛進之

次韻幾復答予所贈三物三首

誰憐湖海士

見前注

白髮夜牕檠

退之短檠歌太學書注東香客二十餘家來射

策夜書細字綴語言西眼眇昏頭雪白

風雨雞不已

詩風雨如晦雞鳴不已

詩書眼

尚明禪枝安宿鳥

禪枝見和外翼風興詩注

僧粥吼華鯨

東都賦發鯨魚鏗華

鐘以言木
魚呼粥也

但滿五車讀

五車見
前注

行看一座傾

一座畫傾
見司馬相

傳如

右石燈檠

絕域薔薇露

顧南有薔薇露揚文公談苑金陵宮中人
採薔薇水染生帛一夕忘收為濃露所漬

色倍鮮翠今
言其香也

他山菡萏爐

詩他山之石可以攻玉西京
雜記丁緩作九層博山香爐

鑊為奇禽怪獸今刻蓮花
也爾雅荷芙蕖其華菡萏

薰衣作家想伏枕夢閨妹遊

子宮蟻穴

見前
注

謫仙居瓠壺

用費長房
傳壺公事

當時有憂樂回

首亦成無

一作稍魚衣一篋似慰客心孤遊子夢蟻
穴謫仙居瓠壺罪罪麗絲網清興可能無

右石博山

九原誰復起

極了死者何可作也吾誰與歸

糟魄未傳心

見前

不取丁

儀米

晉陳奇傳丁儀丁廙有威名于魏奇謂其子曰可免千斛米見與當為尊公作佳傳丁不與竟不立

傳

疑成校尉金

曹操特置發丘中郎將摸金校尉見文選陳琳檄

名從高位借

德有下僚沈

選詩英俊沈下僚

筆削多瑕點

孔子世家筆則筆削則削退之詩指

摘用瑕玷

猶希畏友箴

一本云箴從高位曲陸有德人沈救俗規如此慵疎廢古今

右石刻

送酒與畢大夫

淺色官醕昨夜筓一樽聊付卯時投

卯酒見前注

夔遷吏部

應歡喜殊勝平原老督郵

晉畢卓字茂世為吏部郎比舍郎釀熟卓夜至其寢問盜

飲之為掌酒者所縛明日視之乃畢吏部也世說桓公
有主簿善別酒好者謂青州從事惡者謂平原督郵青
州有齊郡言至齊也平原有焉縣言至焉上柱也

喜太守畢朝散致政

膏火煎熬無妄災

文選阮嗣宗詩膏火自煎熬多財為患害注引莊子山木自寇也膏火自

煎也易無妄六三无妄之災杜詩置膏烈火上哀哀自煎熬

就陰息迹信明哉

就陰出莊

子已見前注功名富貴兩蝸角

莊子則陽篇有國子蝸之左角者曰觸氏有國

于竭之右角者曰蠻氏時相與爭地而
戰伏尸數萬逐北旬有五日而後反

險阻艱難一酒

杯

左傳險阻艱難備嘗之矣

百體觀來身是幻

維摩經云又復觀身身不離病

萬夫

爭處首先回胃中元有不病者

傳燈錄德山宣鑒禪師傳師因疾僧問還有不

病者無師曰有如何是不病者師曰阿耶阿耶

記得陶潛歸去來

山谷誌畢守之墓云吉州

太守以元豐五年冬没于理所其銘云公疾卧牖上章請老

次韻道輔雙嶺見寄三疊

和答魏道輔等凡四詩今考三詩皆言徐德占

而永樂之禍乃元豐五年九月今置之五年庶與詩合

明如九井黃

見前注

美如三危露

三危露見前注

貞觀魏公孫

魏徵

也今來功名誤

杜詩從來禦爐魁多被才名誤

兒時漢南柳搖落傷歲

暮時不與我謀

論語日月逝矣歲不我與韓文公復志賦哀白日之不與吾謀兮至今十年其

初義和促天步

離騷經云吾令羲和弭節兮望崦嵫而勿使注云羲和日御也詩云天步艱難

陸士衡詩昭昭清漢輝粲粲光天步

生涯魚吹沫

莊子大宗師篇泉涸魚相于處于陸相以沫相濡以沫不如相忘于江湖文

彩豹藏霧

南山霧豹見前注文選謝朓詩雖無玄豹姿終隱南山霧

人言壺公老渠

但未得趣

晉孟嘉傳公未得酒中趣耳

飲酒入壺中茫然失巾屨

後漢

費長房傳市有老翁賣藥掛一壺市罷取眺入壺中惟長房觀之因往奉酒脯翁與俱入壺中惟見玉堂嚴麗

旨酒甘肴共饌畢而出若松詩松
下丈人中屢同偶生似是高山翁
時不與我謀今君向

何處

蓮塘倒箭韞

集中有代書一篇亦云蓮房倒箭韞

桂影涼

一作落

霜兔平生

知音地下無尺素

樂府詩云中有尺素書

十夜九作夢虜乘驚

沙度

李華吊古戰場文驚沙入而又云河冰夜淺

時不與我謀征西枕戈去

自平生知音地至此皆言徐德占也趙王勾踐出則嘗應夜則枕戈晉劉琨傳吾枕戈待旦

次韻章禹直魏道輔贈答之詩

據山谷與章禹直手簡云昨與德素

天倪會稽縣在珠恩與公同之又云與道輔唱酬詩已送道輔開道輔昨已宿雙嶺少間錄呈可見

在大
和作

我老倦多故心期馬少游

淵明詩實欣心期方從我遊
文選任彦昇詩中道遇心期

後漢馬援傳援謂官屬曰吾弟少游常哀吾慷慨多大
志曰士生一世但取衣食才足乘下澤車御款段馬為

郡振吏守墳墓鄉
里稱善人斯可矣願為春眠蠶吐絲自綢繆詩綢繆束
薪白樂天

詩燭城誰救護
蠶繭自經綯翩翩魏公子史記平原君翩翩
濁世之佳公子也閱世無

金牛

見前

吹噓鼓萬物

說卦云動萬物者莫疾乎
雷撓莫物者莫疾乎風

領袖

傾九流

晉裴秀傳時人為之語曰後進領袖有裴秀後
漢班固傳博貫載籍九流百家之言無不窮究

注云九流謂道儒墨
名法陰陽農雜縱橫

昨來懷白壁往撼西諸侯

史記蘭
相如奉

壁入秦使其從者衣褐懷其璧亡歸退之王通嘉統云
聞金吾李將軍年少喜士可藏乃路門告曰天下奇男

子王通願見
將軍白事
中丞文武將
徐德占台布衣為中書戶房
習學公事召對除太子中允

館閣校勘權監察御史裏行拜
中丞致有永樂之敗已見前注
良非衛霍侔
誓開

河源地畫作禹貢州壯士捐軀死
文選曹子建詩
捐軀速從戎
鯨鯢

尚吞舟
莊子吞舟之魚蕩而失水則蟻能苦
之左傳宣十二年取其鯨鯢而封之
客心無一

寸
庾信詩且將一寸心能容萬
斛愁老杜心折此時無一寸
草食隨百憂
木食草衣
兄傳燈錄

故人道舊語
漢高帝紀諸母故人日樂
飲極歡道舊故為笑樂
末路非前籌
陽郭

傳至其晚節末路張
良傳訪借前箸籌之
重來滕王閣
閻在洪州德占洪
州人今為隆興府
楓

葉江上秋章子飽經術賦詩如曹劉曹植子爽太學得

虛名

文選古詩帝冀北有斗牽牛不負親良無盤石固虛名復何益

權勢殊未尤禍機

發無妄

易無妄之災禍機見前注

對吏抵搶頭

司馬遷書見獄吏則頭搶地

遇逢

椎鼓赦帝澤萬邦休

退之詩昨日州前椎大鼓嗣皇繼聖登夔皋赦書一日行萬里罪從

大辟皆除死

章江三年拘解裝買莫愁

文選馬賦駉駕曰慮忽徒解裝退之詩解

裝具蘇箋古樂府云河中之水向東流洛陽女兒名莫愁唐詩樂志曰莫愁樂者出于石城樂石城有女子名

莫愁善歌謠

麗姬泣又悔

見前注

生故難豫謀邂逅識面晚困

窮理相收夜語倒樽酒參旌偃風旒

文選景福殿賦參旗九旒從風飄揚

注云參三也旗上畫日月星今言夜語見星耳

兩公但取醉古今共高丘

取醉見前

注漢揚惲傳古與今如丘之銘注云言同類也

次韻道輔旅懷見寄

歲華其將晚霜葉不可風

孟子王曰有寒疾不可以風此借使漢韓安國傳草木經

霜者不可
以風過

生理魚乞水

轍中鮒魚見前注

歸心鳥飛空風塵化

衣黑

陸士衡詩京洛多風塵素衣皆見文選

旅宿夢

裙紅

退之詩孤遠懷耿介旅宿夢姚姚又云不解文字飲唯能醉紅裙

人言家無壁司馬

相如家徒
四壁立

自倚筆有鋒

退之詩題詩尚倚筆鋒勁蓋用鮑參軍詩西詩窮舌端五車攬

筆轉蓬且半歲

曹子建詩轉蓬離本根飄飄隨長風步里客談云古人多用轉蓬不知何物外

祖林公使遠見蓬花枝葉相屬圍樂在地過風即轉問之云轉蓬也

交臂各衰翁

莊子吾終身與

江交一臂而失之司馬長卿已蜀檄文單于師駁交臂受事注交臂拱手也

扁舟去日遠明

月與君同

千里共明月見前注

露晞百年駛

詩湛湛露斯匪陽不晞言人生如朝露也

駁音史疾也圓覺經雲駁目運

麟獲萬事窮

春秋絕筆于獲麟

裝懷酒澹淡

蔡琰

二字元注也上林賦云隨風澹澹與波搖蕩師古曰澹大覽反淡音琰北山移文云牒訴僂佺裝其厭

塞

意霧空濛諸公尚無恙

賈誼書六七賈人皆無恙

不見陳元龍

此語亦指

徐德占按魏志陳登字元龍許汜曰陳元龍湖海之士豪氣不除

和答魏道輔寄懷十首

魏泰字道輔襄陽人曾子宣婦弟有東軒錄自號漢

南處士

堂堂陽元公人物妙晉東

晉魏舒字陽元太白詩能成吾宅和不減魏陽元

魏

侯多能事髣髴見家風長魚無波濤坐與鰕蜆同

後漢陳器

傳魚不可脫于淵神龍失勢與蚯蚓同

諸山搖落盡旅食歲時窮

魏文帝與吳質

書旅食南館耳杜詩旅食京華春

平生弄翰墨客事半九州天末逢故人

老杜天末懷李白云涼風起天

末君子意如何

園蔬當肴羞

柳子厚詩掇野代嘉肴

酒闌豪氣在尚欲推

肥牛

漢高祖紀酒闌注云飲酒者半罷牛在謂之闌豪氣兄前注曹子建陸機引中尉辨墨膳烹羊宰肥

牛李白詩丈夫相見宜為樂雅牛過鼓會衆賓桐江詩話云魏道輔與王介甫兄弟最相厚試院中因上諸侍

才豪縱戰主文幾虞卿不窮愁後世無春秋詳見前用舊韻寄孔

殺父
詩注

雷行萬物春

易无妄天下雷行萬物與无妄

天震而地撼閉塞成冬冰

月令孟冬之日天地不通閉塞而成冬

楚越自肝膽

莊子德充符篇自其異者視之則肝膽楚

越也李白詩肝膽不楚越山河亦余禍

貂狐諒柔温

貂狐見前注温柔鄉見越飛燕外傳藜

藿自羹糝

藜羹不糝見前注六家指要云靈氏鵠梁之食藜藿之羹

相思牛羊下

詩牛羊
城鼓寒統統
晉鄧攸傳吳人歌曰統
如打下鼓雞鳴天欲暝

劍埋豐城獄氣與牛斗平
見前
皇明燭九幽
文選西
賦云散皇

明以燭幽山海經曰赤水之北有神其瞑乃晦其視
乃明是燭九陰是謂燭龍黃庭經九幽日月洞虛無

袂用神兵
神兵見豐
誰言黃沙磧
杜詩今君渡沙磧班
固北征頌衛難鹿超

黃矢盡鼓不鳴
李陵傳一日五十萬矢皆盡
夜半時擊鼓起士鼓不鳴
至今門下

士落涕為荊卿
荊軻傳荊軻衛人也衛人謂之屠卿軻
為燕太子丹役秦左手把秦王之袖而

右手持匕首推之秦王自引而起左右前殺軻此語為
徐德占作德占娶山谷從妹潘子真詩話云道輔少與

徐忠愍及山
谷老人友善

別時燕辭屋草黃秋半分來冬至稍添刺繡文

冬至

日添一線史記貨殖傳刺繡文不如倚市門

百年幾會合美酒不屢醺犀牛

可乞角窮士難薦論

文選蜀都賦拔象齒犀角犀立結反拔犀之角推象之齒見唐舒

元興傳山谷帖有戲答寶勝云易拔蒼龍角難參寶勝祥語意與此同

排江鬼瞰室

揚雄解嘲高明之家鬼瞰其室

貫朽粟紅陳

漢食貨志京師之錢累百

鉅萬貫朽而不可校太倉之粟陳陳相因紅腐而不可食

君行誰為容

鄒陽傳螭木根抵輪困離

奇而為萬乘器者以左右先為之容也

款門定生嗔

漢宣統款塞來享注云叩塞門也韓文公

詩誰家有竹門可款又詩刺刺啄啄有客至門我出不應客去而嗔今言主人嗔也

諒無綈袍故

史記范雎傳歸袍
戀戀有故人之意

盡是白頭新

新節陽傳白頭如
新傾蓋如故

天涯阿

介老有鼻可揮斤

阿介老疑是黃介字幾復元豐末為
端州四會縣令前集和謝公定秋懷

云四會有黃令學者著熙多白頭對紅葉奈此搖落何
跳懷斷鼻巧有斧且無柯與斷鼻可揮斤語意同阿介

云者如晉人以王平子
為阿平也斷鼻見前注

赤豹負文章

楚辭來赤豹
兮從文狸

歲晚智剗剗

楚辭遲剗剗而
不用兮操規矩

而無所施注剗剗剗鏤刀也剗亦作剗淮南子鏤之以
剗剗退之詩先生閨窮巷未得窺剗剗上居蟻切下音

渴飲南山霧

見前

饑食西山蕨

張翰傳與子采南
山蕨見春菜詩注

封

孤託脂澤

豈孤文豹見莊子等書離騷經又好射夫封
狐注云封大也郭氏玄中記曰千歲之狐為

淫婦百歲之狐為美女白樂天古塚狐云狐假女扶客猶淺一朝一夕迷人眼女為狐媚害即深日長月長溺

人眉頰頗秀發唐司空圖山居記云中條距廣鄉百時

時一樽酒

沈休文詩勿言一樽酒明日

婆娑弄風月

退

詩我今官間得婆娑

猛虎倚山號強梁不敢前失身檻穽間搖尾乞人憐

司馬

還書猛虎處深山百獸震恐及其在穽檻之中搖尾而求食積威約之漸也

男子要身在

退

詩學問藏之身身在則有餘史記魏豹等贊曰智

萬金

自保全

老杜王孫善保千金軀

雲黃雉兔伏霜鶻莫空拳

杜詩霜鶻不空

拳

生涯共七十去日良已半

山谷生于乙酉至庚申作邑太和時年三十六短長

相缺望

楚辭卜片尺有所短寸有所長漢盧昭傳羣臣缺望缺音決

面

一作向

盡酒可

斷大道體甚寬

大道甚寬見前

寔束非達觀

賈誼傳鵬鳥賦日達人大觀物亡不

可又曰愚士繫裕害若因拘

莫問夜如何

詩夜如何其

醉從雞號日

明駝思千里

楊妃外傳寶妃私發明駝以瑞龍腦遺安祿山明駝者眼下有毛夜明日行五百里

西陽雜俎云古樂府木蘭篇願馳明駝千里足多誤作鳴駝駝卧腹不帖地屈足渴明則行千里

驚馬

怯負荷

智度論云今以負荷大法者比龍象

小人蠹詩書

韓詩古史散左右詩書置後前

豈殊靈善豈
生死文字間

安樂北窓卧

國語人生安
樂孰知其他

瓢空且乞飯

明淵

有乞
食詩

兒寒教補破

山谷寫袖襖歌其畧云補破遮
寒過一生豈問人言妙不

機巧

生五兵

五兵見前注杜
詩所歷見机巧

百拙可用過

傳燈錄宣州柏巖
明哲禪師得藥山

云跛跛字字百醜
千拙且惡處過特

倉後酒正廳昔日林夫謫官所作十一月己卯余

納秋租隔牆芙蓉盛開

元豐五年十一月
己卯乃初二日

攀檻朱雲頭未白

朱雲請尚方新馬劍新張禹上大慈
御史將雲下雲攀殿檻檻折見本傳

不知流落向何州空餘前日學書地小閣紅蕖取意秋

元注云林夫
喜作隸字

吉老受秋租輒成長句

吉老太和丞也後篇
云播糠眯眼丞良苦

黃花事了綠叢霜

黃花事了蓋做退
之桃李已退也蟋蟀催寒夜夜牀

詩十月蟋蟀入我牀下阮嗣宗
詩開秋北涼氣蟋蟀鳴牀帷

愛日捃收如盜至

漢食
貨志

力耕數耘收穫
如寇盜之至

失時鞭扑奈民瘡田夫田婦肩頰擔退

聯句刈熟
擔肩頰

江北江南稼滌場

幽風云十月納禾稼又云
十月滌場毛云滌掃也場

功畢
入也

少忍飛糠眯君眼要令私廩上公倉

莊子天運篇
播糠眯目則

天地四方
易位矣

再次韻和吉老

今日僕姑晴自語

僕姑見前注

愁陰前日雪鋪牀三冬一雨

禾頭濕

朝野僉載云秋兩甲子禾頭生耳

百斛幾痕牛領瘡

白樂天官牛詩云官

牛駕官車漚水岸邊般載沙載向五門官道西綠槐陰下鋪沙堤馬蹄踏沙雖淨潔牛領牽車欲流血但能濟

人治國調陰陽官

民欲與翁歸作臘

漢嚴延年傳延年母從東海來欲從

牛領穿亦無方
延年臘又云均年正臘送去師古曰建丑之月為臘於國會飲若今蜡節也

公方無事可開

場相勤凍坐真成惡愧我偷閒飽太倉

太倉見前注

招吉老子範觀梅花

子範姓李名觀袁州人元豐二年特奏推恩為太和尉

播糠眯眼丞良苦鳴鼓連村尉始歸

後魏李崇使兗州刺史兗士舊多劫

盜崇命村置一棧皆懸鼓盜發之處亂擊之聲布及百里皆發人守險由是盜發無不獲諸州皆效之

取江梅來一醉明朝花作玉塵飛

玉塵取日見前注何遜雪詩若逐微風起

誰言非玉塵非言梅片飛也

子範徼巡諸鄉捕逐羣盜幾盡輒作長句勞苦行

李

白髮尉曹能挽弓

老杜前出塞云挽弓當挽強用箭當用長

著鞭跨馬欲生

風乃兄本是文章伯

杜詩每語見許文章伯子範之兄李觀字夢符為清江尉嘗為太守

作祭歐陽公母夫人曰文昔孟軻亞聖母之教也今此
有子如軻雖死何憾文忠擊節故有文章伯之句

老真成雙鑠翁

馮援傳雙鑠
我是翁也

枹鼓諸村宵警報

漢張敞
傳云枹

鼓稀鳴市
無偷盜

牛羊幾處暮牢空得公萬戶開門卧

漢汲黯
傳上曰

吾徒得君重唐魏徵傳
外戶不閉行旅不齋糴

看取三年治最功

魏程集為并
州刺史政治

為天下
柄最

送徐隱父宰餘干二首

餘干縣饒州山谷真蹟藁
本地方百里古諸侯頓笑

陰晴民具瞻寒霜改冰霽又改冷霜皆廉改爭廉
第五句樽前桃李親朋交注云改此次篇瑞世改

下瑞同生

改同兄

地方百里身南面

論語雍也可使南面孟子地方百里而可以王

翻手冷霜覆

手炎

漢陸賈謂尉佗曰越殺王降漢如反覆手耳老杜詩翻手作雲覆手雨

贅壻得牛庋

少訟

賈誼傳家貧子壯則出贅舊唐書張允濟傳大業中為武陽令元武縣鄰接人有以牯牛依其婦家

者八九年牛孳生十餘頭及將異居婦家不與累政不能決其人詣武陽負于允濟允濟令左右縛牛主以衫

蒙其頭將至村中云捕盜牛賊名村中牛悉集問所從來妻家不知其故指其所訴牛曰此女壻家牛也非我

所知允濟發蒙曰此即女壻以牛歸之妻家叩頭伏罪
長官齋馬吏爭廉

指唐書馮元淑

傳則天時歷浚儀柏平二縣令未嘗以妻子之官所乘馬牛後不與易云令其作齋身及奴僕日一食而已僧

道舉詩豈無
邑中丞掾陰桃李

李白詩舉邑種桃李垂陰亦流芳

案上

文書略米鹽

米鹽見前注

治狀要須聞豈弟

詩豈弟君子民之父母

此

行端為霽威嚴

漢魏相傳為霽威嚴

天上麒麟來下瑞

南史徐陵傳陵年數歲釋寶誌摩其頂曰天上石麒麟也杜牧之詩天上

麒麟時一丁辭詩董生

江南橘柚間生賢

禹貢淮海惟揚州厥包橘

袖錫貢楚辭后皇嘉樹橘來服兮受命不遠生南國兮王逸注橘柚受命于江南不可移徙種于北地則變而

為玉臺書在猶騷雅

玉臺新詠徐陵所編也

孺子亭荒只草煙

見前

注半世功名初墨綬

後漢志千石六百石墨綬

同兄文字直青錢

唐張

廌傳祖驚字文成貞平千和驚文詞猶青銅鐵萬選萬中時號青錢學士割雞不合庖丁手

論語割雞
馬用牛刀

家傳風流更著鞭

晉祖述傳先我著鞭家傳
言其家世也詩中皆用徐

事姓

山谷外集詩注卷十一

欽定四庫全書

山谷外集詩注卷十二

宋 黃庭堅 撰

史 容 注

次韻君庸寓慈雲寺待韶惠錢不至

主簿看梅落雪中 閨人應賦首飛蓬

詩伯兮自伯之
東首如飛蓬 問

安兒女音書少

禮記文王世子問內豎之御者曰今
日安否何如孟郊詩歸書但問安

破

笑壺觴夢寐同

歸去來辭引壺觴以自酌文選劉越石
詩序云破涕為笑排終身之積憤求數

刻之馬祖峯前青未了鬱孤臺下水如空馬祖峯在太

暫歎和鬱孤臺在虔州見和李才甫登快閣發贛州寄余洪範詩杜詩齊魯青未了江山信美思歸去文選

登樓賦雖信美非吾聽我勞歌亦欲東文選謝叔源詩

土兮曾何足以少留此勞者歌注引韓詩曰朋友之道缺勞

次韻奉答存道主簿

主簿朝衣如敗荷高懷千尺上松蘿小雅薦與女蘿施

生也女蘿兔旅人爭席方歸去莊子寓言篇其往也舍

絲松蘿也之爭秋水黏天不自多莊子秋水篇吾未嘗以此自多

席矣退之祭文洞庭汗漫粘天無壁

學到會時忘聚可

僧聚惠可傳燈錄皆有傳杜詩余亦師聚可身猶縛禪寂或謂王聚可明

二人能詩

詩留別後見羊何

羊璿何長瑜與謝靈運荀雍為四友文選謝靈運詩序云登臨

海嶠初發疆中作與惠連見羊何共之李

向來四海

習鑿齒今日期君不啻過

四海習鑿齒彌天釋道安見晉書習鑿齒傳此用主簿事

杜詩方駕曹

劉不啻過

從時中乞蒲團

纂異蜀本作謝時中送蒲團云織蒲投我最宜寒正欲陰風雪作團

方竹火爐跌足穩何如翼鏢據征鞍與今本句多不同詳詩意是謝送蒲團今本題作從時中乞蒲

團疑有誤

撲屋陰風雪作團，織蒲投我最宜寒。君當自致青雲上，

見前快取金狻褭馬鞍。國朝侍從皆跨狻褭

奉送時中攝東曹獄掾

時中蓋太和同官入城攝事故有府中奪我同官良

之句又云蒼崖按轡昨日歸怨是代子範為尉

公退蒲團坐後亭

詩自公退食白樂天詩清且方堆案黃昏始退公傳燈錄龍牙禪師傳師

在翠微時問如何是祖師意翠微曰與我過禪板來又問臨濟如何是祖師意臨濟曰與我過蒲團來短

日松風吟萬籟

莊子齊物篇汝聞地籟而未聞天籟李白詩一風鼓羣有萬籟各自鳴黃

葵紫菊委榛叢雪梅靚妝欲無對

上林賦靚妝刻飾顏延年曲水詩序靚妝

藻野祛服縵川世說習鑿齒曰樂令無對於晉世

遣騎相呼近酒樽

遣騎見前注言

君曉鼓前征旆蒼崖按轡虎豹號

周亞夫傳天子迺按轡徐行

野水

呼船風雨晦

詩風雨如晦

昨日歸來有行色

莊子盜跖篇車馬有行色

未

曾從容解冠帶府中奪我同官良

老杜送長孫侍御赴武威判官云奪我同

官良飄飄按城堡

簡書趣行將數輩

詩豈不懷歸畏此簡書

王事君今困

馬鞍田園我亦思牛背

牛背見前注又唐陸羽傳又使牧牛羽潛以竹畫牛背為字

安得歸舟載月明

滿船空載月明歸船和尚偈也

鷗鷺白鷗為友生

詩雖有兄弟不如友生

一身不是百年物五湖無邊萬里行欲招

策笠同雲水念君未可及吾盟

春秋公及邾儀父盟于陵孟子凡我同盟之人

既盟之後言歸于好

富于春秋貌突兀

西漢書帝富春秋又云富于春秋杜詩夜深殿突兀

睥睨滿世收功名

睥睨視也左傳子產授兵登睥注睥城上睥睨也好功名者睥視一世城

上短垣亦于此睥視因以為名

參軍雖卑獄司命多由陰德至公卿

于

國傳我治獄多陰德

鎮頤折額秦相國

楊雄解嘲云蔡澤山東之匹夫鎮頤折額注鎮曲也

晉職官志丞相相國並秦官也

不滿三尺齊晏嬰

史記晏嬰傳晏子長不滿六尺身相齊國

名顯諸侯

丈夫身在形骸外

莊子德充符篇索我于形骸之外

俗眼那能致

重輕

奉答茂衡惠紙長句

年譜羅茂衡太和人

陽山老籐截玉肪

山之南曰陽文選魏文帝論玉玦書云白如截肪唐舒元與弔刺籐文刺

溪上多古籐溪中多紙工新伐無時通俗文曰脂在腰間曰肪王逸正部論曰或問玉符曰白如豬肪烏

田翠竹避寒光

蘇易簡紙譜今江浙間有以嫩竹為紙者作密書隨手裂烏田地名羅侯

包贈室生白

莊子虛室生白

明于機上之流黃

樂府詩長安有狹邪行大婦織

綺羅中婦織流黃又文選別賦注問色有五紺紅縹紫流黃又注流黃素名張載詩佳人贈我筒中布何以報

之流愧無征南蠶尾手

法書要錄載宋羊欣古來能書人名云燉煌索靖張芝婦之孫

晉征南司馬亦善草書又截王僧虔論書云索氏自謂其書具銀鈎蠶尾晉書不言曾為征南司馬又王羲之

嘗為征南將軍為寫黃門急就章急就章漢黃門令史游撰羅候相見無雜

語陶詩相見無雜言但道桑麻長苦問為山有無句春草肥牛脫鼻繩

為山露地白牛石鞏禪師牧牛入菰蒲野鴨還飛去傳

錄百丈與馬祖遊山見野鴨子祖問曰是甚麼丈曰野鴨又曰甚麼處去丈曰飛過去祖遂引手拈百丈鼻百

丈作痛聲祖曰何曾飛過去丈於是大悟山谷當草書一偈云野鴨子知何許馬祖見來相共語話盡山空水

月清依前不會還飛去還飛去卻把住故將藤面乞伽陀梵語伽陀此言諷誦楞嚴經祕

密如陀微願草驚蛇起風雨書法要錄王羲之自叙草書勢云疾若驚蛇之失道

遲若錄水之徘徊悚素草長詩脫紙落秋河要知溪工書如飛鳥出林驚蛇入草

下手處

溪多紙工
見前注

却將冰幅展似君震旦花開第一祖

梵語震旦此云漢地第一祖謂迦葉也二十八傳而至達磨達磨天竺國人告尊者曰我既得法當往何國而作佛事尊者曰待吾滅後當往震旦後寓在嵩山少林寺以法傳慧可告之曰昔如來以正法眼付迦葉大士展轉囑付累而至於我我今付汝聽吾偈曰吾本來茲土傳法救迷情一花開五葉結果自然成證道歌曰第一迦葉者傳燈二十八代西天

記入此土菩提達磨為初祖

雜言贈羅茂衡

嗟來茂衡

莊子嗟來桑戶乎

學道如登

孟子道則高矣美矣宜若登天然似不可及也

國語云從善如登從惡如崩

欲與天地為友欲與日月並行萬物崢

喋本由心生去子之取舍與愛憎

莊子去子之態色與淫志

惟人自

縛非天黥

傳燈錄僧璨傳有沙彌禮師曰乞與解脫法門師曰誰縛汝又曰律師持律自縛莊子天

刑之安可解又曰庸知造物之不息我黥而補我剗

墮子筋骨

莊子墮汝形體吐爾聰明又云忘汝

神氣墮汝形骸

堂堂法窟九丘四溟

書序曰九州之志謂之九丘丘聚也左傳曰楚左史

倚相能讀三墳五典八索九丘四溟見前注

同一眼精不改五官之用而透

聲色

荀子天論篇耳目口鼻形能各有接而不相能也夫是之謂天官心居中虛以治五官夫是之謂天

君常為萬物之宰而無死生念子坐幽室爐香思青冥

是謂蟄蟲欲作吾驚之以雷霆

莊子天運篇蟄蟲始作吾驚之以雷霆

寄晁元忠十首

國工裁白璧

考工記輪人曰可
規可萬謂之國工

巧冶鑄干將

聖主得賢
臣頌云巧

冶鑄干將之璞吳越春秋云干將者吳人也能為
劍作二枚一曰干將二曰莫耶莫耶干將之妻也

成為

萬乘器貫日吐寒光

漢鄒陽傳云荆軻慕燕丹之義白
虹貫日又云蟠木根柢而為萬乘

器

其誰渝拂汝

文選絕交論剪拂使其
長鳴注云與渝後同

歲月海生桑

神

傳云王遠字方平過蔡經家麻姑亦至
麻姑自說接待以來見東海三為桑田

蛛網連成玉

史記

蘭相如傳趙得和氏璧
秦願以十五城請易璧

苔生百鍊剛

文選劉越石詩何
意百鍊剛化為繞

柔指

子雲賦逐貧

揚雄逐貧賦見前注

退之文送窮

退之此文蓋擬逐貧而筆力遠過之

二作雖類俳

漢枚乘傳其尊子臯賦詞中自言為賦不如相如又言為賦迺賦詞中自言為賦不如相如又言為賦迺

俳見視如倡自悔類倡也

頗見壯士胸臆子問行津

論語使子路問津焉

欲濟

無山窮

左傳楚子圍蕭還無社號申叔展叔展曰有麥麴乎曰無有山鞠窮乎曰無何魚腹疾奈何注

云麥麴鞠窮所以禦濕欲使無社逃泥水中鞠音窮子虛賦曰穹窮菑蒲

著書蓬蒿底端有

古人風

古人風見前注文選離騷詩顧念張仲蔚蓬蒿滿中國注引三輔決錄云張仲蔚隱身不仕明

天官博物所居蓬蒿没人

沙擁大江水

韓信傳龍且與信夾淮水陳信乃夜令人為萬餘囊盛沙以壅水上流引兵半度擊

龍且陽不勝還走龍且追度水信使決壅囊泥封函谷

關

隗囂傳囂將王元說囂曰元請以一丸泥為大王封函谷關此萬世一時也

古來世上雄

李白詩長才猶可倚不慚世上雄

宰木風雨寒

公羊春秋秦伯謂蹇叔曰若爾之年者宰上之

木拱魯儒守一經亦有澗谷槃

漢韋賢傳遺子黃金滿籬不如一經賢號稱郭

魯大儒詩

何事窮愁極江南庾子山

史記虞卿傳云虞卿非窮愁亦不能

著書以自見于後世云庾信字子山作哀江南賦後周書具載其詞

河清無人待

左傳俟河之清人壽幾何

蘭芳無人采

退之琴操云蘭之猗猗揚揚其

香不採而佩于蘭何傷

山空露團團

詩零露團團今團作漣

葛蔓石磊磊

楚辭石磊磊

磊今葛蔓蔓

世有傾國媒一笑珠百琲

西漢李延年歌北方有佳人絕世而獨立

一顧傾人城再顧傾人國韓詩誰為傾國媒自許連城價吳都賦金溢珠琲注金二十四兩為溢珠十貫為一

非往時襦處士顛倒孔北海

見後漢襦處士傳衡俊諸生原憲貧

楚宮細腰死長安眉半額

馬援傳子廖上疏長樂宮云傳曰吳王好釵客百姓多創

癡楚王好細腰宮中多餓死長安語曰城中好高髻四方高一尺城中好廣眉四方且半額城中好大袖四方全匹帛斯言如比來翰墨場

文選謝宜遠詩

爛漫多此

色

揚子法云女有色書亦有色平曰有

文章本心術萬古無轍迹

老子善行章善

行無轍迹

吾嘗期斯人隱若一敵國

漢劇孟傳大將軍得之若一敵國云後漢吳漢

傳帝歎曰吳公差強人意隱若一敵國矣

北書來無期鴈不到梅嶺

杜詩短日行梅嶺蓋謂大庾嶺上梅也衡山有回鴈峯柳

子厚過衡山詩云正是峯前回鴈時

欲之雙鯉魚

之字誤遺我雙鯉魚見前注

楓葉江

路永平生中心願褊短不獲騁富貴安可為吾亦有岑

鼎

韓非子云齊伐魯索饒鼎魯以其鴈往齊人曰鴈也魯人曰真也齊人曰使樂正子春來吾將聽子魯君

請樂正子春子春曰胡不以其真往君曰吾愛之答曰臣亦愛臣之信又按新序云齊攻魯求岑鼎魯載鼎往齊不信而反之使人告魯君柳下惠以為是則請受之魯君請于柳下惠對曰君之欲以為岑鼎也以免國也臣亦有國于此破臣之國以免君之國此臣所難也魯君乃以真岑鼎往柳下惠可謂守信矣信之于人重矣

言不可以富貴而易其素守也

濟岱有佳人

北方有佳人見前注

肌膚若冰雪

莊子逍遙篇藐姑射之山有神人焉

肌膚若冰雪

我願從之遊補我黥與劓

莊子見前注

了不鮮

人嗔真成一癡絕

晉顧愷之俗傳愷之有三絕才絕畫絕癡絕

櫟社定顏然

聊用神吾拙

見前注

山公懷涇渭濬冲遭鑒賞

晉山濤傳濤所奏甄拔人物各為題目時稱山公啟事王

戎傳戎有人倫鑒識常目山濤如渾金璞玉人皆欽其寶莫知名其器弟敦有高名戎惡之後果逆亂其鑒賞先見如此濬

代豈無若人吹噓青雲上

韓詩青冥送吹噓強箭射魯編

冲戎字也

李白詩功畧蓋天地名飛青雲上

念君如濟水抱清伏泉壤

文選謝朓詩濁河穢

清濟注引戰國策張儀說秦王曰清濟濁河足以為阻尚書注曰濟水入河並流十數里而南截河又並流數

里溢為榮澤

行潦酌尊爨吾猶恃源往

大雅洞酌彼行潦書作會宗爨注云宗廟

桑尊莊子徐無鬼篇請只風與日相與守河而河以為未始其攪也恃源而往者也

蛾眉在蒿菜

衛國風蟋首蛾眉以美人比君子也

金玉千里音

詩無金玉爾音遙

思甌生塵

後漢范丹傳丹字史雲閭里歌之曰甌中生塵范史雲釜中生魚范菜蕪

汗漫觀

古今沉冥驚人句

楊子法言蜀莊沉冥老杜詩句不驚人死不休

摹寫詠時禽

陸士衡悲哉行目感隨氣草耳悲詠時禽

無為愁肝腎君子要剗心

元稹作老杜墓

誌云擺去拘束摹寫物象退之贈崔立之云勸君韜養待徵招不用雕琢愁肝腎莊子天地篇君子不可以不

割心

焉

臨川往長懷神交可心晤

論語子在川上曰逝者如斯夫不舍晝夜此段說者不一

獨景迂講義云江熙曰人非山立俛仰而過臨川興懷能不慨然山谷意恐或近此文章不經世

文選應休璉百一詩云文章不經國篋篋無尺書

風期南山霧

見前注

化蟲哦四

時

退之詩化蟲枯揭莖

悲喜各有故吾獨無間然

論語禹吾無間然矣

子規

勸歸去

子規鳴若云不如歸去又有次韻晁元忠十詩與此同是元豐間作

次韻晁元忠西歸十首

我田失耕耘歲暮拾枯萁枯萁不可食日晏抱長飢

漢楊

憚傳田彼南山蕪穢不治種一頃豆落而為箕淵明詩屢空不獲年長飢至於老

猛虎依山林

眼有百步威

司馬遷答任安書猛虎處于山林百獸震恐退之猛虎行正晝當谷眠眼有百步威

一從梁鵞食風月何時歸

列子云周宣王之牧正有役人梁鵞能養禽獸雖虎狼無

不柔馴者梁鵞曰養虎之法順之則喜逆之則怒夫食虎者不敢以生物與之為其殺之之怒也虎與人異而媚養已者

聖莫如東家長年困行路公養為淹留豈不以食故

原邨

別傳曰原遊學詣孫崧崧曰君捨鄭君所謂以鄭君為東家丘也原曰君謂僕以鄭為東家丘必以僕為西家

愚夫即孟子云孔子有見行可
之仕有際可之仕有公養之仕
林薄鳥遷巢水寒魚不

聚

老杜詩林茂鳥有
歸水深魚知聚

孤士似無家

左傳心苟無瑕
何恤乎無家

轉蓬

何由往

說苑魯哀侯棄國而走齊對齊侯曰是猶秋蓬
惡其本根而美其枝葉秋風一起根且拔矣曹

子建云轉蓬離本根飄飄隨
長風老杜云飄零似轉蓬

前有熊羆咆後有虎豹號

文選劉安隱招士云虎豹闕
兮熊羆咆杜詩空荒咆熊羆

乳獸待人肉

已出澗谷底更陟山阪高五日一併食

儒行云
儒有易

衣而出并
日而食

十年一縕袍

論語衣敝縕袍莊子載魯子居
衿縕袍無表顏色腫膾手足胼

瓶三日不舉火十年不製衣兼用檀
弓所云晏子一狐裘三十年之意

未知歸宿處豈憚

鞍馬勞

退之病中贈張籍詩言籍之詞云從此識歸處東流水淙淙

麗姬封人子弄影愛朝日

文選舞鶴賦疊霜毛而弄影

晉國始得之

泣涕甘首疾

詩伯兮甘心首疾

憂危與安樂一生誰能必同牀

食芻豢迺悔沾襟失

莊子曰麗之姬艾封人之子也晉國之始得之也涕泣沾襟及其至

于王所與王同匡牀食芻豢而後悔其泣也

怨句識之推

史記晉世家文公賞從亡者介子推不言祿祿亦不及隱不復見子推從者懸書宮

門曰龍欲上天五蛇為輔龍已升雲四蛇各入其宇一蛇獨怨終不見處所文公見之曰此介子推也商

歌知甯戚

琴操曰甯戚販牛車下叩牛角而商歌曰南山粲白雲爛生不逢堯與舜禪短布單衣載

至爵長夜冥冥何時旦
齊桓公聞之舉以為相
我占晁氏賢乃在賦行役

詩父曰嗟

子子役役同遊羿轂中
莊子德充符篇云遊于羿之轂中
償免非爾力

孟子其中

非爾力也滔滔今如此去邦將安適
論語滔滔者天下皆是也兼用陳文子違之至

他邦之意退之古風云一邑之水
可走而違天下湯湯曷其而歸

熱避惡木陰渴辭盜泉水

尸子孔子過于盜泉渴而不飲惡其名也管子孔子忍渴

于盜泉曾參回車于勝母文選陸士衡詩渴不飲
盜泉水熱不息惡木陰惡木豈無枝志士多苦心

曾回

勝母車

鄒陽書里名勝母曾子不入邑號朝歌墨回車子

不落抱玉淚

鄒陽書玉人獻

寶楚人誅之注曰卞和抱璞
哭于郊太白詩抱玉入楚國

晁氏猛虎行

古有猛虎行飢不從

猛虎食老杜烈士惡苟能俊傑思
自致贈子猛虎行出郊載酸鼻
皦皦壯士意人生高

唐觀

高唐之觀見文選宋玉賦

有情何能已

文選顏延年詩有懷誰能已元注云晁詩云安

得龍山潮駕回實河水水從樓前來中有美人淚

腰垂九井璜

尚書中候曰呂尚釣于磻溪得玉璜云云見文選注山谷琴銘云釣魚而得九井之

璜蓋兼山海經事經云海內崑崙墟在西北帝之下都高九仞有九井以玉為檻

耳著明月璫

文選洛神賦贈江南之明璫注云耳珠曰璫

蘭蓀結襟帶

沈休文和謝宣城詩昔賢侔時雨今

守馥蘭蓀

芰荷製衣裳

離騷經製芰荷以為衣今集芙蓉以為裳

其人雖甚遠其

室大道傍

鄭國風其室則迺其人甚遠古語築室道傍三年不成

當身不著意千

載永相望

太白詩述莫親姻連帝城不如當身自替纓當字作去聲讀

風雨去家行手龜面鰲黑

莊子宋人有善不龜手之藥者韓非子晉文公反國及河

令邊豆捐之席蓐捐之手足胼胝面目鰲黑者後之列子年老力弱面目鰲黑杜詩會面嗟鰲黑

屠龍

非世資

屠龍見前注

學問求自得

孟子君子深造之以道欲其自得之也

我思

脊令詩同飛復同息兄弟無相遠急難要羽翼

小雅常棣云脊

令在原兄弟急難角弓云兄弟昏姻無胥遠矣唐明皇賜讓皇帝兄弟天生之羽翼

人言貧在家殊勝富作客

樂天詩始知為客苦不及在家貧唐戎昱詩遠客歸去來

在家貧亦好又在家貧亦好殊勝富作客雞棲牛羊下

見前注

君子亦安息千

里求明師贏糧從事役

莊子胠篋篇延頸舉踵曰某所有賢者贏糧而趣之庚桑楚篇

南榮楚贏糧七日七夜至老子之所退之南蹊始泛云誰謂非事役

學問非物外室虛生

純白

虛室生白見前注杜詩興殘虛白室前集贈柳展如詩八方去求道渺渺因多蹊歸來坐虛室夕陽

在吾西與此同意蓋謂道在通而求諸遠也

開田望食麥春隴無秀色

王僧達詩麥隴多秀色楊園流好音深耕不償

勤牛耳徒濕濕

小雅爾牛來思其耳濕濕

豐凶誰主張坐令愁煎迫

河清會有時

河清見前注

得酒灑胸臆

集中有答晁元忠書云未識足下之面因

昆弟得足下之詩興託深遠不犯世故之鋒永懷善怨鬱然類騷故追韻寫意于無能之詞又云南來拘窘吏

事雖江山映發心不在焉又云十詩仰報盛意又云承去歲不利秋官可見詩中之意矣其言南來拘窘吏事可見在太和作追韻寓意即此詩十詩仰報盛意乃前十詩

食筍十韻

前集上子瞻書云聞燕坐東坡心醉六經又云比以職事在山中食筍得小詩

輒上寄一笑旁州士大夫和詩時有佳句要自不滿人意莫如公待我厚願為落筆思得申紙疾讀如老杜所謂一洗萬古凡馬空者據東坡集和篇乃將去黃州時作山谷至太和蓋元豐四年春庚申歲七年甲子歲春移監德平鎮東坡亦以七年春移汝州此詩當是六年作

洛下斑竹筍花時壓鮭菜

庚即貧食鮭已見前注杜詩云自愧無鮭菜空煩却馬鞍

鮭戶佳切切韻曰魚名出吳志

一束酬千金掉頭不肯賣

杜詩巢父掉頭不肯住

我來白下聚此族富庖宰

退之關雞聯句
義肉恥庖宰

蒯栗戴地翻

殼鯨觸牆壞

退之詠筍云見角牛羊沒又云穰穰疑翻
地天地之牛角繭栗見禮記殼鯨見孟子

觥觥入中廚

詩爾羊來思
其角戢戢

如償食竹債

楞嚴經云身為
畜生酬其宿債

詩意謂牛羊食竹及死為筍為人所食若償債然又用
傳燈錄死為菌令人食之之意按第十五祖那提婆傳

尊者既得法後至毗羅國有長者園樹生大耳如菌味
甚美惟長者與第二子羅睺羅取而食之盡而復生餘
皆不得見時尊者知其宿因長者問其故尊者曰汝家
昔供養一比丘然此比丘道眼未明以虛雷信施故報

為木菌惟汝與
子得以享之

甘菹和菌耳

菹謂酢菜也生大
耳如菌見上句注

辛膳肺

薑芥

左傳宣三年使
宰夫肺熊蹯

烹鵝雜股掌炮鼈亂芻介

江南別
錄云僧

謙明好詩酒烈祖問其所求曰惟願鵝生四个腿鼈生兩重裙陶岳五代史補亦云詩韓奕云其殺維何魚鼈

鮮小兒哇不美

孟子出而哇之注

鼠壤有餘嘬

莊子鼠壤有餘

蔬孟子蠅蚋姑嘬之

可貴生于少古來食共噫

記不敢噫

尚想高將

軍五溪無人采

明皇雜錄高力士謫黔州山谷多薺而人不食力士作詩曰兩京作斤賣五溪

無人采夷夏雖有殊氣味都不改

蕭巽葛敏修二學子和予食筍詩次韻答之二首

吳氏漫錄云山谷南還至南華竹軒令侍史誦詩板戒勿言姓名誦一絕句云不用山僧供帳迎世

間無此竹風清獨拳一手支頤卧偷眼看雲生末生徐視姓名曰果吾學子葛敏修也此篇言二妙

各能詩端
不濫語

北饌厭羊酪南庖豐筍菜

退之詩我來禦魑魅自宜味南烹

自北初落

南

退之南海神碑人士之落南不能歸者

幾為兒所賣

史記越世家陶朱公中男殺人事莊

生羞為兒子所賣

習知價廉平

史記吳起傳起廉平能得士心此摘其字

百態事烹

宰鹽晞枯脂瘦密漬真味壞就根煨出美

莖出也見前春菜詩注

豈念炮烙債

史記周紀西伯請紂去炮烙之刑

咀吞千畝餘

退之南食詩咀吞面

汗驛史記貨殖傳渭川千畝竹

胸次不蠶芥

子虛賦其于胸中曾不蠶芥

二妙各能

詩

晉衛瓘索靖供善草書人號為一臺二妙

才名動江介

楚辭長江介之遺風魏都賦與江介

之漱濁注云韓詩章句曰人界也

詩論多佳句膾炙甘我嚼

孟子膾炙與羊棗孰

美言其詩膾炙人口也曲禮毋嘖炙注嘖謂一舉盡嚙

因君思養竹萬籟聽秋噫

莊子齊物篇汝聞地籟而未聞天籟又云大塊噫氣其名為風

從此繕藩籬下令禁漁

采

韭黃照春盤

歐陽行周有春盤賦杜詩春日春盤細生菜

菰白媚秋菜

本草菰根

蔣草也江南人呼為茭草圖經云又謂之茭白

惟此蒼竹苗市上三時賣江南

家家竹翦伐誰主宰

詩勿翦勿伐

半以苦見疎不言甘易壞

來記云君子之接如水小人之接如醴君子淡以成小人甘以壞莊子山水篇君子之交淡如水小人之交甘

若醴君子淡以親
葛陂龍睡未索兒孫債
後漢費長房傳長房辭歸

翁與一竹杖曰騎此任所之則自至矣既至可以杖投
葛陂中也長房乘杖須臾來歸即以杖投陂顧視則龍
也莊子千金之珠必在驪龍
頷下子能得之必遭其睡也
獼膽能分杯虎魄妙拾芥

本草序例云虎嘯風生龍吟雲起磁石引針虎魄拾芥
漆得蟹四散麻得漆而湧桂得蔥而軟樹得桂而枯戎
鹽累卵獼膽分杯其氣爽有相關感者多如此類三國
志虞翻年十二客有過其兄不遇翻追與書曰虎珀不
取腐芥磁石不受曲針過而
不存不亦宜乎客得書奇之
此物于食穀如客得儕介

漢食貨志詔曰
夫鹽食者之將
思入帝鼎烹忍遭飢涎噉懶林供翰墨

礎杵風號噫每下歎枯株焚如落樵采
懶林疑字誤詩意謂其始也思

入大烹以享上帝之鼎其次為筆以供翰墨最下枯槁而為樵夫所采頗含鐵規之意焚如見易離卦每下愈沉見莊子知北遊篇

胡朝請見和復次韻

人笑庾郎貧滿胸飯寒菜

見前注

春盤食指動

左傳子公之食指動

曰他日我如此必嘗異味

筍茁入市賣回首萬錢廚不羨廊廟宰

日食

萬錢見前注文選李陵答蘇武書聞子之歸無尺土之封而親戚貪倭之類悉為廊廟宰

民生暫神

奇

見前注

胞雋伐性壞

枚叔七發云皓齒蛾眉命曰伐性之斧甘脆肥醲命曰腐腸之藥蓋

取呂氏春秋靡曼皓齒命曰伐性之斧肥肉厚酒命曰爛腸之食萬永謂肥肉胞當作肥又疑是庖字東方朔

傳館陶公主胞人

忍持芭蕉身

見前注

多負牛羊債

楊嚴經云

以人食羊羊死為人人死為羊死死

籜龍不稱冤

盧全寄男

抱孫詩云竹林吾最惜新筍好看守萬籜包龍兒攢逆

活籜

易致等拾芥

夏侯勝傳如俯拾地芥

蕭蕭煙雨姿壯士持戈

介

杜牧之晚晴賦竹林外裏兮十萬丈夫甲刃攢攢密陣環侍

駢頭沸鼎鼎

易貫魚以宮人

寵注曰貫魚謂五陰駢頭相次似貫魚也退之又魚詩駢頭類同條

可口垂涎噉

莊子云其味相

反而皆可于口杜詩道逢麴車口流涎

霜叢負後凋玉食香餘噉

書惟辟玉食晉

王濟玉食錦服

續詩無全功

列子天地無全功聖人無全能

葑菲儻可采

詩采葑采

菲

立春

韭苗香煮餅

崔實四民月令曰
立秋無食煮餅

野老不知春看鏡道如

咫倚樓梅照人

杜詩
熏業頻看鏡行藏獨倚樓退之春
雪間早梅詩寒光助照人趙嘏詩長苗

一聲人

倚樓

寄舒申之戶曹

年譜舒申
之名卷

吉州司戶官雖小曾屈詩人杜審言

唐杜審言傳恃才
高以傲世見疾嘗

語人曰吾文章當得屈宋作衙官
遷洛陽丞坐事
貶吉州司戶參軍審言生子闕闕生甫字子美

今日

宣城讀書客還越手板傍轅門

越手板見前注項羽傳羽見諸侯將入轅門膝

行而前

江山依舊歲時改桃李欲開煙雨昏公退但呼紅

袖飲

詩自公退食

剡傳歌曲教新翻

元稹連昌宮詞偷得新翻數般曲劉禹錫楊柳

枝詞聽唱新翻楊柳枝

次韻杜仲觀二絕

鳥啼花動却春寒雨壓青旗卷盡千多事今年廢詩酒

煩君傳語問平安

用李衛公報竹平安借取其字

重簾複幕和風雨無奈催沽鳥喚人

鳥名提壺盧見前注

只是樽

前欠狂客舞娃冰雪酒磷磷

退之詩黃簾綠幕朱戶開唐賀知章自號四明狂客

莊子云肌膚若冰雪詩楊之水白石粼粼注清徹也粼亦作磷

再次韻

短舞朱裙愜醉看

陶岳零陵記長沙王發子上前自為短舞人笑其拙

惜公官守

隔江干遙憐得句無人賞走馬城東覓道安

習鑿齒傳時有桑門

釋道安俊辯有高才與鑿齒初相見道安曰彌天釋道安當謂遊寺

詩家二杜

審言及甫

見仍雲

仍雲見爾雅

佳句風流照映人青眼

向來同醉醒白頭相望不緇磷

論語磨而不磷涅而不緇杜詩但取不緇磷

社日奉寄君庸主簿

何君庸為太和簿

花發社公雨

社公見前注

陰寒殊未開初聞燕子語似報王

人來

元稹作張君傳崔氏詩曰待月西廂下迎風戶半開拂墻花影動疑是玉人來遮眼便書

冊

傳燈錄僧問藥山為什麼看經師曰只圖遮眼

挑聲欺酒杯

李氏談錄李相濤小字社公為

兵部時文公昉為翰林學士月給內醞兵部因春社寄昉詩云社公今日沒心情為之治聲酒一餅俗云社日

酒治聲治音持批當作治欺當作欠劉蕭仲社日招客飲治聲聊復盡余盃

傳聲習主簿勤

為撥春醅

晉習鑿齒傳為桓溫西曹主簿溫曰三十年看儒書不如一詣習主簿太白詩恰似蒲萄

新撥

觀王主簿家醖醕

肌膚冰雪薰沉水

肌膚冰雪
見前注

百草千花莫比芳

白居易詩
綠水

紅蓮朵朵開千花百草無顏色楊文公談苑稱鄭文寶詩百草千花路斜風細雨天

露濕何郎試

湯餅

語林曰何平叔美姿儀而絕白魏文帝疑其著粉夏月與熱湯餅既啖大汗出隨以朱衣自拭色轉

皎然平叔何晏也魏初尚主

日烘荀令炷爐香

襄陽記劉季和性愛香常如廁還輒過香

爐上主簿張坦曰人名公作俗人不虛也季和曰荀令

君至人家坐席三日香與我如何坦曰醜婦效顰見者

必走公欲坦遁走耶季和大笑詩人詠花多比美女山谷賦醖醕獨比美丈夫見冷齋夜話李義山詩謝郎衣

袖初翻雪荀令薰爐更換香

風流徹骨成春酒

韓持國詩只恐春歸有餘恨典刑原在酒

杯夢寐宜人入枕囊

世說有以茶蘼花作枕囊前集醪釀詩名字因壺酒風流付枕幃與

此句意同

輸與能詩王主簿瑤臺影裏據胡牀

晉王徽之泊舟清溪側桓

伊于岸上過謂伊曰聞君善吹曲為我一奏伊據胡牀為作三調弄

醪醑

漢宮嬌額半塗黃

後漢馬廖傳城中好廣眉四方且半額幽怯錄橘中四老一叟曰君輸我

智瓊額黃十二枚王介甫梅花詩漢宮嬌額半塗黃粉色凌寒透薄妝詩句偶同附載于此

入骨濃

薰賈女香

晉賈謐傳母賈午充少女也吏韓壽與女通家中莫知時西域貢奇香一著人則經月不

歇帝以賜充女密盜以遺壽充察屬與壽燕處聞其芬馥稱之于充云云日色漸遲風力細

倚欄偷舞白霓裳

楚辭青雲衣兮白霓裳今借使楊太真外傳進見日秦霓裳羽衣曲偷字

如樂天詩蘭偷

苟令香之意

元翁坐中見次元寄到和孔四飲王夔王家長韻

因次韻率元翁同作寄湓城

夔玉名球太和人侍郎王贊之子

雨罷山澤明日長花柳困

老杜春光嫩困倚微風

遊絲上天衢

簡文

帝春日詩落花隨燕入遊絲帶蝶驚老杜落花遊絲白日靜

觀物得無悶

易避世無悶酒德頌

云俯觀萬物

時從顧曲人

周瑜傳曲有誤周郎顧以言周元翁

筍饌酌春醕

子未識面想見眉目俊新詩如鳴絃快讀開鄙吝

後漢黃憲

傳時月之間不見黃生
則鄙吝之萌復存乎心

銅官魯諸生事道三無愠

見前注

比來工五字句法妙何遜

梁記室兼水部郎何遜字仲言有詩集

枯槩覆

吳圖

文選博奕論云夫一木之枰孰與方圓之封枯槩三百執與萬人之將杜牧送國綦王達云別後竹

窻風雪夜一燈明滅覆吳圖齊書曰能某人琅邪王抗為第一品吳郡褚思莊會稽夏赤松第二品宋文帝世

羊玄保戲因製局圖還于帝前覆之

青簡玩秦燼

後漢吳祐傳殺青簡以寫書

葉暗黃

鳥時

見前注

風號報花信

東粵雜錄云江南自初春至初夏有二十四風信梅花風最先

棟花風最後唐人詩曰棟花開後風光老梅子黃時雨意濃晏元獻詩亦曰二十四番花信風是也

遙仰

吟思苦江錦割向盡

南史江淹傳夢一人自稱張景陽謂曰前以一尺錦相借今可見還

探懷中得數尺與之此人太惠曰那得割截都盡顧見丘遲曰餘此數尺無所用以遺君自是淹文章蹟矣

應煩王公子又破黃封印

宮酒以黃羅帕封之東坡所謂上尊日日寫黃封是也

再次孔四韻寄懷元翁兄弟并致問毅甫

書帙蠹魚乾

退之云豈殊蠹書蟲生死文字間

爐香眠鴨困

李義山云舞鸞鏡匣

收殘黛睡鴨香爐換夕薰

佳人來無期

選詩佳入殊未來

詩句且排悶

杜詩排悶

強裁遙知烏衣遊

劉夢得金陵五題云朱雀橋邊野草花烏衣巷口夕陽斜舊時王謝堂前

燕飛入尋常百姓家蓋江左諸王多居烏衣巷建康圖詩云在上元縣東南四里

碁局具有醞

爭道嘲不恭

漢吳王剡傳吳太子素驕博爭道不恭子飲博吳太子素驕博爭道不恭

鑒兵

勞得俊

漢霍去病得合短兵鏖皋蘭下師古曰鏖謂苦擊而多殺也佐傳云得雋曰尤頗尋文

獻盟

文獻見論語

不落市井吝

楊子云市井相與言則以財與利

四月明朱

夏南風解人愠

帝王世紀曰舜彈五絃琴歌南風曰南風之薰兮可以解吾民之愠兮風

前懷二陸家法窺抗遜

晉陸機傳祖遜吳丞相父抗吳大司馬大康末與弟雲俱入洛

范陽盧志於衆中問機曰陸遜陸抗于君近遠機曰如君于盧毓

陸遜陸抗于身有三尺桐爨

下得餘燼

蕉尾琴見前注

端可張洞庭

莊子黃帝張樂于洞庭之野謝朓詩洞庭張樂

地瀟湘帝子遊

寥濶世未信為我謝孔君舉酒取快盡世故安

足存

文選潘正叔詩世故尚未衰

青天飛鳥印

白樂天詩更無尋覓處鳥跡印空中退之

聯句云沙篆印迴平蓋言
鳥跡印沙今言印青天

次韻元翁從王夔玉借書

為吏三年弄文墨

文選劉公幹詩職事相填委文墨紛
消散注云漢書功臣皆曰蕭何文墨

顧居臣上

草萊心徑失耕鋤

孟子今茅塞
子之心矣

常思天下無雙祖

得讀人間未見書

後漢黃香傳京師號曰天下無雙江
夏黃童肅宗詔香詣東觀讀所未嘗

見公子藏山真富有

言其藏書如老氏藏室道家蓬萊
山也易繫辭富有之謂大業司馬

遠與仕安書僕誠已
著此書藏之名山

小儒捫腹正空虛

退之詩詩書勤
乃有不勤腹空

虛

何時管鑰入吾手為理籤題撲蠹魚

杜詩書籤映牕
牕蠹魚見前注

學元翁作女兒浦口詩

五老峯前萬頃江

見前注

女兒浦口鴛鴦雙

女兒浦隸江州德化

驚

飛何處沙上宿夜雨釣船燈照窻

去歲和元翁重到雙澗寺觀余兄弟題詩之篇總

忘收錄病中記憶成此詩

素琴聲在時能聽

陶潛傳蓄素琴一張

白鳥盟寒久未尋

左傳盟可尋也

亦可眼見野僧垂雪髮養親原不顧朱金

史記聶政傳嚴仲子具酒

聶政母前奉黃金百鎰為母壽聶政固謝曰家貧養親親供養備不敢當仲子之賜烈女傳秋胡子之妻曰妾

採桑奉二親不顧人之金
法言曰紆朱懷金之樂

開泉浸稻雙澗水煨筍充盤

春竹林安得一廬吾欲老

孟子願受一廬而為氓

君聽莊舄病時

吟

史記陳軫傳軫至秦惠王曰子去寡人之楚亦思寡人否對曰王聞夫越人莊舄乎莊舄在楚執珪有頃

而病楚王曰舄故越之鄙細人也今仕楚執珪貴富矣亦思越不對曰凡人之思故在其病也彼思越則越聲不思越則楚聲使人往聽之猶越聲也今臣雖棄逐之楚豈能無秦聲哉李白詩笑吐張儀舌愁為莊舄吟

次韻周法曹遊青原山寺

即周元翁

市聲故在耳

說苑孔子謂弟子曰遠山千里蟬蛄之聲尚猶在耳

一原謝塵埃乳

竇響鐘磬

選詩南鄰擊鐘磬

翠峯麗昭回

詩俾彼雲漢昭回于天

俯看行

磨蟻

磨蟻見前注

車馬度城隈水猶曹溪味

傳燈錄僧問清涼如何是曹溪

一山自思公開

傳燈錄行思禪師傳師吉州安城人開曹溪法席乃往參禮問曰當何所務即

不落階級云云祖深器之師既得法住吉州青原山淨居寺有沙彌希遷問曰曹溪大師還識尚和否師曰汝今識吾否曰識又爭能識得

浮圖湧金碧

浮圖塔也杜詩潤聚金碧

氣文選陸機連珠曰金碧之崑必辱鳳舉之使廣廈構壞材蟬蛻三百年

史記屈原

傳蟬蛻于濁穢至今猿鳥哀祖印平如水

傳燈錄初祖達磨傳師曰內傳法印以契

證心外付袈裟以定宗旨

有句非險崖心花照十方

圓覺經世尊告普覺菩薩云心

花發明照十方剎東坡嘗作偈云心花發明照十方蓋本此

初不落梯階

不落階級見此篇注

步步踏佛階梯見傳
燈錄法融禪師傳

我行暝託宿夜雨滴華櫬

王仲宣詩高會

君子堂並
坐飲華櫬

殘僧四五輩

杜詩野寺殘僧少

法筵歎塵埋石頭麟

一角

見前注本傳云師付法石頭

道價直九垓

祖如封禪書云上暢九垓

廬陵米

貴賤傳與後人猜

本傳云僧問如何是佛法大意師曰廬陵米作麼價

曉躋上方

上

上方見前注

秋塍亂萋萋寒藤上老木龍蛇委筋骸

禮記禮運

云肌膚之會筋骸之束

魯公大字石筆勢欲崩摧德人曩來游頗

有嘉客陪憶當擁旌旗千騎相排壓且復歌舞隨絲竹

寫煩哇事如飛鴻去

杜牧詩恨如春草多事與孤鴻去

名與南斗偕

狄仁

傑傳北斗以
南一人而已
松竹吟高邱
何時更能來
顏魯公真卿貶
吉州司馬大字

當是紀
遊也
回首翠微合
爾雅山未
及上翠微
于役王事催
詩君子于
役又云王

事靡
猿鶴一日雅
孔德璋北山
移文云蕙帳空兮夜鶴
怨山人去兮晚猿驚詩意謂猿鶴既

有一日之雅
再來尚可從容
重來尚徘徊
碑本菱字韻
也一日之雅見漢書谷永傳下有兩句云

蓮子委箭鏃
葵花仄金杯

次韻會都曹喜雨
都曹在郡中不應有潔齋新得
歲之句又集中有戲題曾處喜

尉廳即此人亦非都曹所居而集中又有
送時中攝東曹詩恐是時中與之對攝

水旱國代有
左傳僖十三年天
災流行國家代有
人神理本通
偏霄祠小

大

周禮春官若國大旱則帥巫而舞雩禮記祭法雩禱祭水旱也春秋書大雩

敢指蜺雄

郭璞云雄曰虹雌曰蜺五

歷吾結反南史王筠傳沈約製如居賦示筠草筠讀雌蜺連蜺約撫掌曰僕常恐人

呼為

地厭焚燄極

詩如燄如焚

天回顧盼中蛟龍起乖臥星

斗晦澄空雲挾雷聲走

西京雜記淮安王著瀉烈自言字中皆挾風霜

江翻電

脚紅寵光歸稼穡

老杜江雨詩寵光蕙葉與多碧點注桃花舒小紅

滴瀝在梧

桐

孟浩然詩疎雨滴梧桐

諛訟猶相及時霖恐未豐潔齋靳得歲

同病託諸公

戲題曾處善尉廳二首

雞埭咏鴈如駕鵠

詩雞栖于埭子虛賦弋白鵠連駕鵠揚雄反騷豈駕鵠之能捷萬里

天衢且一波宮錦絡衫弓石八與人同狀不同科

論語為力

不同科

右超然臺

茅茨中安一牀寂

退之送張道士云臣有膽與氣不能死茅茨維摩經維摩詰即以神力空

其室內唯置一牀以疾而卧

天女原非世間色道人今日八關齋

南史

袁粲傳宋孝武即位遷侍中文帝諱曰羣臣並於中興寺入關齋中食竟粲別與黃門郎張淹更進魚肉食何尚之密以白孝武並免官南史又云吳興有項羽神太守到必須祀以軀下牛李安人不與又于廳上設八關

齋俄而牛死道人山谷自謂也按釋氏書戒有八一不
殺二不偷盜三不邪淫四不妄語五不飲酒六不坐高
廣大牀七不著花鬘璫珞不用香油塗身薰衣八不自
歌舞不得輒往聽不過中食此八戒名八關齋戒關者
開也禁也白樂天詩八關淨
戒齋銷日一曲狂歌醉送春
摩經戒古得切衣前襟也彌陀經曰西方聖衆以衣戒
盛花奉諸佛皎然詩天女來相試將花欲染衣禪心定
不起還捧
舊花歸

右不動菴

寄上高李令懷道

上高諫
筠州

李侯湖海士

魏志陳登傳元
龍湖海之士

瓜葛附婚友

瓜葛婚友
見前注

平

生各轉蓬

轉蓬見前注

未魯接樽酒

司馬遷報任安書云未嘗銜杯酒接殷勤之歡

寄聲維勞動

寄生見前注

江路常永久節物居然秋

莊子山木篇居

然不免于患

蜨蟲悲高柳

謂蟬也

傳聞闢學館鼓士薦豚韭

鼓字

如李膺鼓動流俗之鼓禮內則豚春用韭秋用藟

能使珥筆黔

黔謂黔首也史記秦紀更名民曰黔

首珥筆

稍知忠信有

論語十室之邑必有忠信

驕虎縮爪距

李翰贊裴旻將

軍射虎圖戰羣虎之命使鋸牙鉤爪戰而莫措

詩禮開戶牖事勝感邦人

淵明詠二

疏云餘蔡何足顧事勝感行人

伐山謀不朽

漢地理志以漁獵山伐為業左傳襄二十四年春穆

叔如晉范宣子逆之問焉曰古人有言曰死而不朽何謂也穆叔曰魯有先大夫曰臧文仲既沒其言立其是

之謂乎豹聞之太上有立德其次有立功其次有立言雖久不廢此之謂不朽武功筆如椽王晉

珉傳夢人以大筆如椽與之文字爛瓊玖國風木瓜報謂子有書癖

書癖見次韻答張沙河注摹篆寫科斗不珍金石刻陸士衡文賦被金石而德廣段

墨卿平淮西碑刻要我一揮肘安知乃兒戲漢周亞夫傳鄉者霸

上棘門如兒戲耳敢傳萬世後摩拂幼婦篇後漢蔡邕題曹娥碑云黃絹幼

婦外孫慙非換鵞手見王羲之傳李白詩山陰道士如相見為寫黃庭換白鵞公其

勤勞來小雅鴻鴈序萬民離散而能勞來還定安集之正義曰勞來者來勤也殷勤于民嘉政

民父母不用琢蒼崖豐碑在人口禮公室視豐碑詩意謂姓蘇人作碑山谷

為書末章言但能勞來安定則民事之如
父母所謂道上行人口似碑無用此也

山谷外集詩注卷十二